

MARKO

Olaa Biene Wɔ Di Marko

Lakpana Nii

Yaa Ntu Kpeesate Yohane Layie Lekya.

¹ Nnya olaa biene wɔ niekye ni Yesu Kristo Yaa obi suoto kasɔ kakyeko.

² Binyu! Diawa fε mmle di Yaa Olaa Buetetε Yesaia lakpana aate ni kofokofoko ale, “Makyesee tɔkyente nii anle fɔ katū, aanaalolaa osuku ante fɔ.

³ Otii nwu matooyie lekya di ɔfaafuu antoobue ale, ‘Bilolaa osuku bite bita Saate nwu ɔwabee, Bikyεyεsa abaya abafe ni bite nwɔ.’ ”

Yohane Lakpeesa Yesu Yaa Ntu Di Yordan Okle Kame.

⁴ Tɔkyentε nwu niale Yohane nε. Aawε di ɔfaafuu aabatookpeesa batii Yaa ntu. Aatɔɔtakɔ ma ale, “Bidie sikpile lee ɔbla baakpeesa ye Yaa ntu, ni Yaa mayɔ sikpile lee ankyε ye.”

⁵ Batii kpinwu lakte Yudea kasɔ ku Yerusalem okpoo kple baakyε ɔfaafuu baalaanu Yohane olaa. Baadiki sikpile lεma baabue ni aakpeesa ma Yaa ntu di Yordan okle kame nε.

⁶ Di obe wɔ mmle kame Yohane lakpee kapuponko sinwini awu, ni aayɔ bɔkεε kukū okū aatika ofiamε nε. Alesaa nɔɔ niale akpakyeyee ku bablo.

⁷ Olaa wɔ aatoobue ninle ale, “Otii wɔ nimawa ni sεemaa nii nlenke mi. Ale Otii wɔ ninansiεko

ale bia kadiki nwɔ ni ntokota fe kpemblate. ⁸ Ami ntu kɔyɔ nkpeesa ye Yaa ntu, kafɔɔ nnwɔɔ abayɔ Ninwuna Klekle ankpeesa ye kaame.”

⁹ Ditakle, Yesu lakyε Nasareτ diε Galilea kasɔ aawa, ni di Yohane lakpeesa nwɔ Yaa ntu di Yordan okle kame ne. ¹⁰ Nfanwu di Yesu latoodie ni di ntu nwu kame, aanya kolo lasεkεtε, ni di Ninwuna Klekle latoosoo di suoto nɔɔ fe mmle di lelaapɔɔ nsso ni ne. ¹¹ Ni baanu sεelɔ lakyε osi siabue ale, “Afɔ ninle Obi nii wɔ suoto ninantuna ni ne, foobuo mi anu nwaa.”

¹² Nfanwu Ninwuna Klekle lakpaa nwɔ aasi-fiko ɔfaafu. ¹³ Ni aasiε ninfa lete nɔɔ ayi afosi ana Satana lasɔ nwɔ aanyu nse abatikanko nwɔ. Babɔkεε ba ninkpe ni kobe lawε ninfa, kafɔɔ di obe nwu kame Yaa batɔkyεntε lakyε osi baabakpee nwɔ osie.

Yesu Ladiki Basaateketε Kasale.

¹⁴ Obe wɔ baate ni Yohane leeyo katenkɔ semaa, Yesu lakyε Galilea kasɔ aalaatoobue ɔlaa biene wɔ niekye ni Yaa nfū.

¹⁵ Aatoobue ale, “Obe biene nwu ntoowo, Yaa sekɔ ole bee ntɔɔtεεtε, bidie sikpile ɔbla biefū ɔlaa biene nwu binu!”

¹⁶ Obe wɔ di Yesu latoofe ni di Galilea lekpo ɔloɔkɔ, aanya kɔkpaku badikite banyɔ banwii, Simon ku obilema Andrea baatoodiki kɔkpaku ku asawu.

¹⁷ Ninfε di Yesu latɔkɔ ma ale, “Biwa biεbatikankoe, matuo ye mmle mandiki ni batii.”

¹⁸ Nfanwu ni baadie asawu lεma, baatikanko nwɔ nε.

¹⁹ Aakyε ni sitū kεεkε, ni aanya babilema banyɔ banwii ninle ni Sebedeo babi Yakobo ku Yohane, baasiε di oklo kame baatoololaa asawu lema. ²⁰ Di Yesu lanya ma nii, ni aaleε ma ale batikanko nwɔ nε. Ni baadie ote lema Sebedeo ku bakpente nɔɔ di oklo kame baatikanko nwɔ nε.

*Yesu Latososa Ninwuna Kpile Di Osuɔtɔ Onwii
Kame.*

²¹ Ni baasifi Kapernaum okpoo nε. Obe wɔ di Yuda batii Lεnyεεteyi nwu lawo nii, Yesu lasifi kasiisakɔ lema, ni aalaakya ko batii asaa otuo nε. ²² Asaa nɔɔ otuo labla ma ɔkpε, diekye aatuwo ma asaa fe otii wɔ ninkpe ni otumi, ninanle ni fe mmle di kufiofa batuote ntuo nii.

²³ Nfanwu osuɔtɔ onwii di ninwuna kpile lasie nii lawε kaame lema, ²⁴ ni aafaa osie kanya aabue ale, “Be foomie di ɔkyε loo, afɔ Yesu Nasaret Otii ntεε? ɔwɔcsa fεεwa wo? N-ye otii wo fale nii! Afɔ ninle Otii Klekle wɔ di Yaa lekyesee ni nε!”

²⁵ Ni di Yesu lamue nwɔ ale, “Lo kanana, faadie nwɔ kaame!” ²⁶ Ni di ninwuna kpile nwu latukunsa osuɔtɔ nwu osie kanya, ni aafaa osie kanya, ni diadie nε.

²⁷ Diabla batii ba niayila ni ninfa bamuu ɔkpε diata baatɔɔkaale bawo ale, “Be nε? Asaa otuo fole ale? εεyo otumi ootososa anwuna kpile annu!” ²⁸ Ta nkpo oso Yesu leyooto lakyaka Galilea kasɔ kamuu.

Yesu Lakya Batii Sifie.

²⁹ Nfanwu di Yesu ku batii nɔɔ ladie ni kaasi-isakɔ nwu, baakpaa Yakobo ku Yohane baasifi

Simon ku Andrea leyo. ³⁰ Baabuo ni nfa batii bawo latok̄ Yesu ale, Simon omaato nte ofie lewɔɔfɔ ofie. ³¹ Nioso Yesu lakyε ɔkyε nɔɔ aalaamufū nwɔ kɔɔnɛs aatakatesa, ni di ofie layɔɔ nwɔ ne, ni aataka aanyu ma kanya ne.

³² Obe wɔ kuuifī ntɔɔmɛs nii, baakpaa bafiete kpinwu ku mba di anwuna kpile nsi ni baawako Yesu ɔkyε ale ayɔɔsa ma sifie. ³³ Ni die okpoo nwu batii bamuu labasi die kayokontū nwu baatoonyu ne. ³⁴ Ni aakya batii ba bamuu niatoofie ni sifie ate ate sifie. Ni aatososa anwuna kpile atata nya osuku ale akakate, diekye anwuna kpile nwu latofo otii wɔ okle ale nii.

Yesu Layie ɔlaa Biene Nwu Lekya Di Galilea Kasɔ.

³⁵ Yesu lataka kuyitatū aadie leeyo aasifi leba le nialo ni lete nɔɔ, aalaape ɔlaa aata Yaa.

³⁶ Semaa Simon ku bawo nɔɔ lakyε baalaa-towolaa Yesu. ³⁷ Obe wɔ baanyɔɔ nii, baatok̄ nwɔ ale, “Otii biala kowolaa fɔ!”

³⁸ Ni aatok̄ ma ale, “Bita busifi sekpoo bibii bamba se niestetɛs ni, ninaabue Yaa ɔlaa ninfa kafɔɔ nta ma, diekye nni oso lewa ne.”

³⁹ Nioso aakya aatookyi nsiisak̄ lema nwu die Galilea kasɔ aatoobue Yaa ɔlaa, aatootososa anwuna kpile baatii suoto.

Yesu Layɔɔsa Osuɔtɔ Onwii Niatoofie Ni Ofie Sεεle Ofie.

⁴⁰ Ni di osuɔtɔ onwii niatoofie ni ofie sεεle lawa Yesu ɔkyε aalaape akunkyi, aatootikiti nwɔ lekoto ale, “Nse dile fɔ, faafuo ɔta suoto nii mbla klekle.”

41 Ọlaa n̄o c̄ lakpe nw̄ nyaami, ni di Yesu ladiki k̄on̄e aakpanko nw̄, aat̄oko nw̄ ale, “Letuna, suoto lef̄ sikelkle!” **42** Nfanwu, ofie sēele nw̄ laȳc̄ nw̄ suoto n̄o c̄ laklekle.

43 Ni di Yesu ladiki nw̄ osuku aakpee nw̄ kufiofa ale, **44** “Nyu, tanaabue ọlaa w̄ mmle faat̄oko otii kuonwii, t̄c̄kye falaadiki suoto fatuo Yaa oletate, faata ole di mmle di Mose lekpee kufiofa ēte ni di suoto okleklesa suoto, diatuol ale ofie nw̄ nt̄c̄yō f̄o ni.”

45 Kaf̄c̄ aasifi nii, aalaatoobue ọlaa nw̄ aat̄o c̄kyakasa osie kanya, ta nkpo oso Yesu ditasinwo kayi otoodie di okpoo kuonwii kame. Ọfaafuu aatoosie, kaf̄c̄ batii lakple baakye aba aba bat̄c̄owa ɔkye c̄.

2

Yesu Laȳc̄sa Osun̄ Onwii Niafefe Aate Ni Ofie.

1 Ayi asēe semaa Yesu lakple aasifi Kapernaum okpoo. Di obe kakui kame batii lanu ale akpe leeyo. **2** Ni baatii kp̄inwu lasi die leyo le aabuo nii, diata ale baalaadu bia kayokont̄, bawo ditasinwe kayilako. Ni aabue Yaa ọlaa aata ma ne. **3** Ni baatii bana latuka fiete onwii niafefe nii baat̄c̄wako ɔkye n̄o c̄ ne. **4** Batii l̄ep̄ oso batawe osuku baateet̄e Yesu di leyo le kame aawe nii, nioso baasifi baalaayie l̄ekya osi baalaadufu kutue, baasoosa fiete nw̄ ku ɔkla n̄o c̄ w̄ suoto aate nii baate kaas̄ di Yesu anu. **5** Di Yesu lanya ni ofū onu lema oso aat̄oko fefeet̄e nw̄ ale, “Obi nii, nt̄c̄yō sikpile lef̄ b̄ēekye f̄o.”

6 Obe nwu kamε Yuda batii kufiofa batuotε bawo lasie ninfa, baatoobu di disi lεma kamε ale,
7 “Lε oso ɔɔkakate nkpo? Eebue mbusuo ɔlaa di Yaa suoto. Yaa lete nikafuo sikpile ɔyɔ ɔkye!”

8 Nfanwu Yesu latofo disbu lεma ni aatɔkɔ ma ale, “Be oso biobu disi kpile nkpo? **9** Lεmenle niεyɔɔ dilenke, ale baatɔkɔ otii wɔ niefefee ate ni ale, ‘Bεεyɔ sikpile lefɔ bεεkye fɔ’ εε sεε baabue ale, ‘Taka, faayɔ ɔkla lefɔ faakyε’? **10** Ta biatofo bile, Otii Obi, nkpe otumi kaasɔ ka ale aayɔ sikpile ankye nii.” Ni aatɔkɔ otii wɔ niefefe ate ni ale, **11** “Kɔtɔkɔ fɔ nle taka! Yɔ ɔkla lefɔ, faasifi leyo!”

12 Nfanwu otii wɔ niafefee aate ni niataka aayɔ ɔkla nɔɔ, aadie ma kaamε aasifi. Diabla bamuu lεma ɔkpε ni baatansa Yaa baabue ale, “Buunya nnle mmle okle bunya!”

Yesu Laleε Lewi Ale Atikanko Nwɔ.

13 Ni di Yesu lakple aadie ninfa aasifi Galilea lekpo kotoko ni baatii kpinwu lawa nwɔ ɔkye ninfa ni aatu ma asaa ne. **14** Obe wɔ aatoofe ni lekpo nwu kotoko ninfe aanya Lewi, Alfeo obi, asi di akpooto kafunkɔ oofū akpooto, ni di Yesu latɔkɔ nwɔ ale, “Tikankoe!” Nfanwu ni aataka atikanko nwɔ ne.

15 Dii nwu kɔtɔfɔ Yesu ku basaateketetε nɔɔ lakyε Lewi leyo ale, bɔɔlaaleko nwɔ alesaa. Batii kpinwu latikanko nwɔ, batii ba niatikanko nwɔ ni nkpo bawo niale akpooto bafunte ku bakpileblate. **16** Nioso obe wɔ di kufiofa batuotε ba ninle ni Farisi batii lanya ale Yesu kole ni alesaa ku bakpilete ku akpooto bafunte, baakaale basaateketetε nɔɔ ale, “Lε oso ole alesaa ku

akpooto bafunte ku bakpileblate bamba ba mmle?”

¹⁷ Obe wɔ di Yesu lanu ni ɔlaa wɔ boobue nii, ni aatoko ma ale, “Fablate dieffi batii ba ninoofie nii, bafiete di fablate lefi. Ninwa babienetε ɔlεε, bakpileblate oso lewa.”

Akaale Di Kanya Onii Suoto.

¹⁸ Di obe nwu kame, di Yohane basaateketete ku Farisi basaateketete nnii ni kanya oso, ni baatii bawo lawa baabakaale Yesu ale, “Obe oso fie die Yohane basaateketete ku Farisi basaateketete nnii ni kanya fie baasaateketete lefo ninannii kanya?”

¹⁹ Ni di Yesu latoko ma ale, “Lε di ɔkafɔosa basiɛwo kanii kanya obe wɔ di ɔkafɔosa nkpe ma ni di ɔkye? Balaafuo kanya onnii di obe wɔ akpe ma ni di ɔkye. ²⁰ Kafɔɔ obe kɔwa babakpaa ɔkafɔosa mansifiko nii, obe nwu kame babanii kanya ne. ²¹ Kuonwii nín-yɔ dibula fole kakyeε aakaa aatii dibula kofole kabekɔ. Se εεbla nkpo, dibula fole nwu matuunii ninsifi lekofole kabekɔ nwu ninfoofoosa ninkyakaa. ²² Kuonwii nín-yɔ nta fole aakpete di kɔbɔkeɛkū kotofo kofole kame, se diɛwa ninkpo, nta fole nwu mata kotofo nwu mbe, ninta ale nta ku kotofo nwu nlalaa. Kɔbɔkeɛkū fole kame man-yɔ nta fole mankpete.”

Yesu Kristo Ninle Lεnyεεtεyi Saate.

²³ Di Lεnyεεtεyi, Yesu ku basaateketete nɔɔ latoofe di atita kofe kunwii kame. Ni di basaateketete nɔɔ, lafee atita nwu kɔɔne awo baatoowee ne. ²⁴ Ta nkpo oso Farisi batii bawo Lakaale Yesu ale, “Nyu! Be oso baasaateketete

lefɔ kɔbla nkpo, kuufiofa loo ninanta ni osuku di Lenyεεtεyi suoto?” ²⁵ Ni di Yesu ladiki kanya ale, “Sεε biika lesaa le die ɔka Dawid ku batii nɔɔ labla ni di Kɔkpana Klekle kame binya, obe wɔ kɔɔka lakle ma ni? ²⁶ Mmle aabuo ni Yaa Olekatakɔ die obe wɔ di Abiatar lale ni Yaa Oletate Nɔɔfo. Aadiki bloblo klekle wɔ mananta osuku ale otii wɔ ninanle ni Yaa oletate kale ni aale ni, aayɔ owo aata manko bawo nɔɔ ba kafɔɔ niakyε ni bale ni?”

²⁷ Ni di Yesu latɔkɔ ma ale, “Otii dibiene oso di Yaa lebla Lenyεεtεyi, ni diele Lenyεεtεyi oso εεbla otii. ²⁸ Nioso ami, Otii Obi, ninle Lenyεεtεyi Saate.”

3

Yesu Layɔɔsa Osuɔtɔ Onwii Ofie Di Kɔɔnεε Nɔɔ Lakatu Nii.

¹ Yesu lakple aakyε Yuda batii kasiisakɔ kan-wii, otii onwii kɔɔnεε nɔɔ lakatu ni lawe ninfa.

² Di obe nwu kame, Yesu balo lawe ninfa. Baatoonyu osuku ale abayɔɔsa osuɔtɔ nwu ofie di Lenyεεtεyi nwu suoto mmle baayɔ ni ɔlaa di suoto nɔɔ.

³ Yesu latɔkɔ osuɔtɔ nwu kɔɔnεε lekatu ni ale, “Taka fawa sitū ninfū.” ⁴ Ninfε di Yesu lakaalε batii nwu niawε ni ninfa ale, “Kufiofa leta osuku ale, baabla dibiene di Lenyεεtεyi εε sεε dikpile? Baafū otii nkpa εε sεε baadie nwɔ ankpi?” Kafɔɔ baalo kanana. ⁵ Yesu lanyunu ma aafenku ku oblo. Disi osie lema oso kafutu lanyiyii nwɔ, ni aatɔkɔ fiεε nwu ale, “Yilasa kɔɔnεε lefɔ!” Ni aayilasa kɔɔnεε nɔɔ ne. Nfanwu ni kuale ne.

⁶ Nioso Farisi batii ladie baalaakpee asi baawo

ku Herodes batikankotε nɔɔ bawo mmle baalo ni Yesu.

Yesu Layɔɔsa Batii Kpinwu Sifiε Di Galilea Lepanta Kotoko.

⁷ Yesu ku basaateketete nɔɔ ladie ninfa baasifi Galilea lepanta kotoko. Ni batii kpinwu niakye ni Galilea latikanko ma nε. ⁸ Batii dikudi kafɔɔ lakyε Yudea, Yerusalem, Idumea ku Yordan okle semaa kue Tiro ku Sidon ntεε nwu baawa ɔkyε nɔɔ. Diekye baanu Yesu sɛkpε kplε se aatɔɔbla nii.

⁹ Ta batii dikudi nwu lepɔ oso Yesu latɔkɔ basaateketete nɔɔ ale bamie oklo owo batɔɔ aasiε kaame mmle baatii dikudi nwu dilaba pimpi nwɔ ni. ¹⁰ Aakya batii kpinwu sifiε, nioso diata ale bafiεtε ba niakye ni nfa latikanko baatoomie osuku ale bɔɔkpanko nwɔ siifie lema nyɔɔ ma.

¹¹ Batii bawo lawε ninfa di anwuna kpile lasie ma ni kaame. Nioso nse diεwa ale bεεnya Yesu, manɔɔ nwɔ di nkpaatū, manyiisa kudu mambue ale, “Afɔ ninle Yaa obi!” ¹² Kafɔɔ Yesu lakpee anwuna kpile nwu kufiofa osie kanya ale batanta batii latofo otii wɔ okle ale nii.

Yesu Ladiki Basaateketete Lefosi Banyɔ Aata Suoto.

¹³ Nni sεmaa Yesu lasifi kabokotee osi. Nfa aalaadiki basaateketete ba omie ni nε.

¹⁴ Aadiki lefosi batii banyɔ ba aata ni leyoto ale batɔkyεntε. Ni aatɔkɔ ma ale, “Ntoodiki ye nlε biatikankoe obe lele. Makpee ye kafɔɔ minaatoobue mi ɔlaa biene. ¹⁵ Mata ye otumi kafɔɔ mintososa anwuna kpile.”

16 Nya batii ba di Yesu ladiki ni. Mma ninle Simon wō di Yesu lata ni leyoto ale Petro **17** ku Yakobo ku obilema suotəbi Yohane mba ninle ni Sebedeo babi ba di Yesu lata ma ni leyoto ale Boanegē, ləseso diki nōc ninle ni ɔplalaa. **18** Banyențele kafcō ninle Andrea ku Filipo ku Bartolomeo ku Mateo ku Toma ku Yakobo wō ninle ni Alfeo obi ku Tadeo ku Simon wō niabəmbō ni kale nōc osie kanya **19** kue Yuda Iskariot wō niadiki Yesu aata nii.

Batii Latufa Yesu.

20 Yesu ladie ni ninfa, aawa leyo ninwii kame. Ni baati kpinwu lakple baabasi ninfa nε. Batii ləpo oso Yesu ku basaateketetε nōc ditawε kayaa baale alesaa. **21** Baanantii nōc lanu nii, baakyε ale bɔɔlaakpaa nwō, diekye batii latoobue ale, "Disi kame kɔkpɔtɔc nōc!"

22 Kufiofa batuote ba niakye Yerusalem baawa ni labue ale, "Anwuna kpile ɔka Beelsebul ninsi di Yesu kame. Nni suoto anfe antososa anwuna kpile baatii kame nε!"

23 Nioso Yesu lalεε ma aawako ɔkye nōc, ni aakakate aata ma di akpa kame ale, "Le di Abonsam kafuo suoto otososa odiki baatii kame? **24** Nse sekə kalekɔ se leyo lewo ləse di akyuu anyɔ bɔɔkpɔko bawo ni leyo nwu dilabafuo oyila. **25** Nkpo kafcō se leyo lewo ləse di akyuu anyɔ bɔɔkpɔko bawo ni leyo nwu dilabafuo oyila. **26** Nioso se Abonsam sekə kalekɔ ləse etaka eyila di suoto nōc, kalaansifuo oyila, ni kalookɔ ni ka nε.

27 “Kötökö ye nlé otii kuonwii dilaafuo sienteleyo kamé obuo ɔlé nwɔ asaa, diediki εεka nwɔ omufū onii fie aafuo nwɔ asaa ɔlé.

28 “Nwaako kötökö ye nlé Yaa mayɔ otii okpile lele εεbla ku sibusufuɔlaa se eebue ni di suoto nɔɔ ankye nwɔ. **29** Kafɔɔ olele nimabue obusufuɔlaa di Yaa Ninwuna Klekle suoto, Yaa dilabayɔ akye nwɔ diidii, diekye eekpi lerpɔɔ, εεbla okpile wɔ nncaa ni kaloo.”

30 Yesu labue selaa se mmle, diekye baatoobue ale, ninwuna kpile nsi nnwɔɔ Yesu.

Bawe Ninle Yesu Babilema Sankobi Ku Babilema Suɔtɔbi.

31 Di obe nwu kamé Yesu ɔya ku Yesu basuɔtɔbi lema labayila kaayi, ni baakpee otii ale balee nwɔ bata ma. **32** Batii dikudi lasie baamana nwɔ baakyi, ni baalaatɔkɔ nwɔ ale, “Nyu, yaafɔ ku babilee n-ye kaayi boowolaa fɔ!”

33 Ni aakaale ma ale, “Bawe ninle yaami omu ku babiloo bamu?”

34 Ni aanyu batii ba ninsi bɛemana nwɔ beekyi ni, ni aabue ale, “Binyu, yaami ku babiloo ninle mba ninsi ni ninfū ne! **35** Otii lele nikɔbla Yaa dibeesaa, nnwɔɔ ninle obiloo ku yaami ne.”

4

Yesu Lape Lekpa Di Alesaa Kubi Sante Suoto.

1 Yesu lakple aakye asaa katuosɔ diɛ Galilea Lekpo kotoko, batii dikudi lamana nwɔ baakyi. Batii nwu lerpɔ oso aalaayie aasiɛ di oklo wɔ niatika ni di ntu osi. Batii dikudi nwu kafɔɔ layila di lekpo nwu kotoko. **2** Atuo asaa kpinwu diɛ akpa kamé. Di asaa otuo nɔɔ kamé aatɔkɔ ma

ale, ³ “Binu lo! Obe onwii alesaa kubi sante onwii lakyε kofe aalaasa alesaa kubi. ⁴ Obe wɔ ɔɔsa ni alesaa kubi nwu nkpo koofe, kowo lakpete di osuku suoto, ni baakansie lasεsεs kū baame ne ⁵ kowo kafɔɔ lakpete di afuɔ kasɔ, nfū kɔɔte diepɔ nii. Kɔtε ɔtampɔ oso, aawolaa ɔkɔntɔ. ⁶ Obe wɔ kuufi labadie nii aayɔɔ, aafie diekye sidu nɔɔ diekye kasɔ ta afuɔ nwu oso. ⁷ Kowo kafɔɔ labuo kakɔtɔkɔtɔ siiwuu kamε, ɔɔkɔntɔ anwa nii, siiwuu nwu kafɔɔ lakɔntɔ siafukuti siatfii nya, nioso atafuo otika. ⁸ Alesaa kubi nwu kowo kafɔɔ lakpete di kasɔ biene suoto. Nnya aakɔntɔ, aamuɔ aatika abi. Awo latika afosi atie, awo afosi akuɔ, awo kafɔɔ latika kɔlafa.”

⁹ Yesu layente ku selaa se mmle ale, “Otii wɔ kuunutoko nkpe nii yi, aanu!”

Yesu Ladiki Lekpa Nwu Kasɔ Aata Batikankotε Nɔɔ.

¹⁰ Obe wɔ di Yesu lete nfe nsi nii, basaateketetε nɔɔ ku lefosi batii banyɔ nwu lawa babakaale nwɔ akpa nwu kasɔ. ¹¹ Ni di Yesu latɔkɔ ma ale, “Yaa lediki asaa ya ninsi ni di Yaa sekə kalekɔ εεta ye. Kafɔɔ batii ba nsi ni sεelɔɔkɔ, mma yi, akpa kamε babanu selaa. ¹² Nioso, ditɔɔwa fe mmle bεekpana ni Koɔkpana Klekle kamε ale, ‘Babanya, mankple manya, kafɔɔ blɔbanya batensū.

Babanu, mankple manu, kafɔɔ blɔbanu kasɔ.

Nse beenu kasɔ, bεenya bεete nsū, babakyi siitu lema kamε, Yaa n-yɔ sikpile lema ankyε ma!’ ”

*Yesu Lediki Lekpa Le Aape Ni Kasɔ Di Alesaa
Kubi Sante Suoto Aata Ma.*

¹³ Yesu lakaale ma ale, “Biénu lekpa le mmle kasɔ? Ni le bibafuo akpa bule amuu kasɔ onu? ¹⁴ Alesaa kubi sante kɔsa Yaa ɔlaa nwu. ¹⁵ Batii bawo nte fe alesaa kubi ko niakpete ni di osuku kotoko, nse beenu ɔlaa nwu, nfanwu Abonsam nwa amadiki ɔlaa nwu di situ lema kame ansifiko. ¹⁶ Batii bamba kafɔɔ nte fe kubi ko niakpete ni di afuɔ kasɔ. Nfanwu nse beenu ɔlaa nwu manfū nwu ku suoto leyɔɔ. ¹⁷ Kafɔɔ ɔlaa nwu sidu nimmufū kaasɔ nwaa. Obe kakuii kame ko manfū nwu manu. Diekye nse nimiina ee ditikanko lewa ma di suoto di ɔlaa nwu ofū onu kame, mankple nkpaamaa.

¹⁸ “Batii bawo kafɔɔ nte fe kubi ko niakpete ni di kakɔtɔkɔtɔ siwuu kame. Mma ninle batii ba ninu ni ɔlaa biene nwu, ¹⁹ kafɔɔ kayi ka mmle amiina ku koto onumbεbεε, ku asaa bamba ɔkɔnsɔ oklee nfukuti kuntii ɔlaa nwu ale, kunfuo abi otika.

²⁰ “Batii bawo kafɔɔ nte fe kubi ko niakpete ni kaaso nwaa suoto. Baanu olaaa biene nwu, baafū nwu baanu baatika abi. Awo afosi atie, awo afosi akuɔ, awo kafɔɔ kɔlafa.”

*Kandie ɔkpε Wɔ Ambla Nii Ninle Ale Anta
Lekpa.*

²¹ Yesu lakple aakaale ma ale, “Nse bεεsɔ kandie man-yɔ lesaa mantii nwɔ? Ee mpa kalɔ manse wɔ? Diele lesaa suoto man-yɔ mantika ale aakpa nwaa? ²² Lesaa lele beekookaa Yaa madiki ni kayi, lesaa lele kafɔɔ beetii Yaa matikiti ni. ²³ Otii wɔ kunutoko nkpe ni, alolaa anu nwaa!”

²⁴ Yesu lakple aatoko ma ale, “Bikyɔɔ atoko nwaa di selaa se bionu ni suoto! Diekye leklapoosaa le biegyɔ biɛklapoosa biɛta ni bawo lee, nninwu ke di Yaa mayɔ anklapoosa anta ye nε, bia lele ye malenkee. ²⁵ Diekye otii wɔ n̄iɛkyɔɔ mi ni ɔlaa kotoko abawɛ ləsɔnu ankyakaa. Kafɔɔ otii wɔ ninankyɔɔ mi ni ɔlaa kotoko kɛɛkɛɛ wɔ aye nii, Yaa maklee anfū nwɔ ni nnɛɛ.”

Yesu Lape Lekpa Di Asaa Omuɔ Suoto.

²⁶ Yesu lakple abue ale, “Yaa sɛka kaleko nte fe mmle di otii nsa ni kamɔɔ kubi koofe. ²⁷ Nse kale ntooloo otii nwu naate ankyɔɔsii, nse kale ntɔɔsɛ antaka, kafɔɔ aaye mmle diɛ kamɔɔ kubi nwu mbla fie kunkɔntɔ kuntika ni abi ambe nii. ²⁸ Kasɔ kamu ninta kamɔɔ kubi nwu mmuɔ kantika abi lenya. Lekasale kankɔntɔ, afata ndie. Semaan kanlaka ame kandie kufuo, nni semaan kansie abi kanyi ntu kambe. ²⁹ Nse abi nwu ntoobe, fɛkpente nwu n-yɔ kasaka diekye ofielɛ bee ntoowo.”

Lekpa Diɛ Lewosobi Biibii Suoto.

³⁰ Yesu lakple aabue ale, “Be suoto kayɔ Yaa sɛka kaleko nkaatɛesa? Lemɛnkpa kayɔ ndiki ni kasɔ? ³¹ Dite fe lewosobi biibii lewo. Fiɛ babare ni nii, ninle lewosobi biibii diɛ awosobi kamɛ kaasɔ ka mmle suoto. ³² Kafɔɔ nse bɛɛrɛ ni nintaka, nimuɔ ninlenkee awoso amuu. Kundie selaa kplɛ, kunwɛ oyududu, ninwa ale bakansie mbla ayo diɛ oyududu nɔɔ kalo masie.”

³³ Yesu latoko batii nwu ɔlaa biene di akpa ya mmle okle kamɛ, ni mmle okle baanu nwɔ ni kasɔ. ³⁴ Akpa lete kamɛ anfe ankakate anta

batii, kafco nse manko basaateketete noo lete basi andiki asaa amuu kasoo anta ma.

Yesu Layilasa Afeeefo Siene.

³⁵ Diee dii nwu nkpo kotoofo, Yesu latoko basaateketete noo ale, "Bita butaalae busifi lekpo le mmle semaa." ³⁶ Nioso baadie batii dikudi nwu baasifi baalaabuo di oklo wo di Yesu labuo aasie nii, ni baakpaa nwaa baasifi ne. Seklo bamba kafco layila ninfa. ³⁷ Nfanwu kofeeefo siene lakyako ofe, ntu kore nimbuo die oklo kame dieta ale ntu laloo oklo kame oyii baamee nii. ³⁸ Di obe nwu kame Yesu omu lasie die oklo nwu semaa lekye, aatika disi di sumuye aatokkyosii. Ni baasaateketete noo lasenkessoo baakaale nwaa ale, "Saatuote, faayo nwu ole fale buoloo okpi?"

³⁹ Nioso Yesu lasenke. Aataka aayila nii, aamuue kofeeefo nwu aabue ale, "Die ofe!" Ninfe aatoko lekpo nwu ale, "Te kloklo!" Kofeeefo nwu ladie ofe, ni dialo kanana ne.

⁴⁰ Ni di Yesu lakaale ma ale, "Be oso bioyeké nkpo? Biefü mi binu?"

⁴¹ Leyeké lapae ma osie kanya ni baakaale nimanima ale, "Omentii okle ninle nwaa di kofeeefo ku lekpo nnu nwaa claa?"

5

Yesu Latososa Ninwuna Kpile Di Osucto Onwii Kame.

¹ Nni semaa, Yesu ku basaateketete noo lataale baalaadu Galilea lekpo nwu kakye nyooifa di Gadara batii kasoo. ² Obe wo di Yesu lasoo ni di oklo kame, otii onwii niinwuna kpile lasie

ni ladie aakye sifuɔntuu se kamε mankookaa ni bakpi aabakyakako Yesu. ³ Nfa ninle osuɔtɔ nwu kasiɛkɔ ne, otii kuonwii ninfuo konyenɛ kukunwii ɔyɔ onii nwɔ. ⁴ Obe lele se beekpee nwɔ sɛkpɛnkye ninnɛs ku ninkpaa anfee sī. Nse kafɔɔ beenii nwɔ ku abɔɔsaa konyenɛ ambudi kū. Siente kuonwii ditawɛ anfuo nwɔ ni olenkee. ⁵ Ansie di batii kakookakɔ ku abokote kakū ku kakye aakye aatookyi, antooyiisa kudu obe lele. An-yɔ afuɔ antɔɔkyankya suoto.

⁶ Obe wɔ aanya ni Yesu kaakyonkɔ aatoso aalaapɛ akunkyi kaatū nɔɔ. ⁷ Ni aayiisa kudu osie kanya ale, “Be ɔlaa ninsi di awo ku afɔ ntɛɛ, Yesu, Yaa wɔ ninlenke ni obi! Yaa oso, kotikitit fɔ lekoto, tannanfi mi kotoko!” ⁸ Aabue selaa se mmle diekye Yesu latɔkɔ nwɔ ale, “Afɔ ninwuna kpile die nwɔ kaame!”

⁹ Ni di Yesu lakaale nwɔ ale, “Le manlɛɛ fɔ?”

Aadiki kanya ale, “Leyooto nii ninle dikudi, diekye buɔte bupo!” ¹⁰ Osuɔtɔ wɔ mmle di ninwuna kpile nsi nii, latikiti Yesu lekoto osie kanya ale atantososa anwuna nwu Aadiki nintɛɛ nwu.

¹¹ Di obe nwu kamε aplakuo ɔlambu kplɛ onwii latoole asaa di kabokotee ɔlɔkɔ. ¹² Nioso anwuna kpile nwu di osuɔtɔ nwu kamε latikiti Yesu lekoto ale, “Diki wo osuku buɔlaabuo diɛ aplakuo nwu kamε!”

¹³ Ni Aadiki nya osuku ne. Nfanwu anwuna kpile nwu ladie di osuɔtɔ nwu suoto aalaabuo di aplakuo nwu kamε. Aplakuo ɔlambu nwu omuu, nikawo ni fɛ nkpe nnyɔ latoso kitikiti aakye kabokotee nwu kalɔ aalaabuo leekpo nwu kamε aame ntu aakpi.

14 Nioso batii ba kɔkpa ni aplakuo nwu latoso baasifi baalaabue ɔlaa wɔ niawa ni baakyakasa afe ku sekpoo. Ni baatii ladie baakyε ale bɔɔlaanyu lesaa le niawa nii. **15** Obe wɔ baalaadu ni Yesu nfū baanya otii wɔ kame die anwuna kpile dikudi nwu lasie ni lakpee awu aasie kasɔ, obe nwu ditɔɔkpa nwɔ. Nioso leyεke lape bamuu lema. **16** Batii ba niakasa ni otii wɔ kame die anwuna kpile nwu lasie ni ɔnya latɔkɔ batii bamuu lesaa le niawa ni di osuɔtɔ nwu ku aplakuo nwu suoto. **17** Nioso batii nwu latikiti Yesu lekoto baatɔkɔ nwɔ ale adie ma kaaso.

18 Obe wɔ di Yesu latoobuo ni die oklo kame, otii wɔ kame di anwuna kpile lasie ni saa, latikiti nwɔ lekoto ale, tεε ntikankofɔ. **19** Kafɔɔ Yesu ditatɔɔ osuku. Ni ɔtɔkɔ nwɔ ale, “Tɔɔkyε leyo baatii lefɔ nfū faadiki lesaa le di Saate lebla εεta fo ni fabue, faatɔkɔ ma ku mmle εεnya fo ni nyaami.”

20 Nioso osuɔtɔ nwu lasifi aalaabue lesaa le di Yesu labla aatɔɔ ni die ekpoo nwu lefosi aafenko. Diabla batii ba nianu ni ɔkpe.

*Yesu Layɔɔsa ɔnɔɔfo Yairo Obi Sankobi Ku
ɔsankɔ Onwii Ofie.*

21 Obe wɔ di Yesu lasie oklo aawaale aakple aasifi ni lekpo semaa, batii dikudi lakple baabasi nwɔ di suoto di lekpo kotoko. **22** Yuda batii kasiisakɔ ɔnɔɔfo onwii manlee ni Yairo lawa nfa. Aanya ni Yesu, aape akunkyi ninkpaatū nɔɔ. **23** Aatikiti nwɔ lekoto osie kanya aabue ale, “Obi sankobi nii koloo okpi. Lekoto wa faabatika nwɔ kɔneε di suoto di ofie kuyɔɔ nwɔ, aawε nkpa.” **24** Nioso Yesu latikanko nwɔ baakyε.

Batii dikudi latikanko nwɔ baamana nwɔ kpinkpĩ baakyi, Yesu lasie ma nintee. ²⁵ ɔsanko onwii kafɔɔ lawe ma kaame, asaa latoowii nwɔ fee lefosi aleɛ anyɔ amu. ²⁶ Diabuo nwɔ ku suoto kɔfa omie di bafate kpинwu nnεε, aalalaasa koto nɔɔ kumuu, kafɔɔ ofie nwu katoo ko kua tɔɔtaka. ²⁷ Obe wɔ di ɔsanko nwu lanu ni Yesu lekpango, aafe di Yesu semaa baatii dikudi nwu kame aakpanko Yesu awu. ²⁸ Aabla nkpo diekye aabue aatɔkɔ suoto ale, “Nse lekpango nwɔ awu kamaa, ofie mayɔɔ mi.” ²⁹ Nfanwu aakpanko ni Yesu awu nwu, asaa owii nwu labudi. Nioso aatofo di suoto nɔɔ kame ale ofie nwu cɔycɔntu nɔɔ nwɔ.

³⁰ Nfanwu, Yesu latofo ale osie owo ledie nwɔ di suoto. Aakyi aakale batii dikudi nwu ale, “Owe niɛkpanko mi awu?”

³¹ Asaabateketε nɔɔ latɔkɔ nwɔ ale, “Nyu mmle batii dikudi lemanna fɔ kpinkpi beekyi ni, fie fɔɔkaale falɛ owe niɛkpanko fɔ awu?”

³² Kafɔɔ Yesu latookpekpe anu aatoowolaa otii wɔ niabla ni lesaa nwu. ³³ Difu lape ɔsanko nwu, diekye aatofo lesaa le niɛwa ni di suoto kame, nioso aayɔ leyeke ku ditütükü aalaare akunkyi di Yesu nkpaatü ni aatɔkɔ nwɔ nwaako wɔ ninsi ni di ɔlaa nwu kame ne. ³⁴ Yesu latɔkɔ nwɔ ale, “Obi sankobi nii, ofu onu lefɔ lediki fɔ. Tɔɔkye di suoto leyeke kame. Ofie lefɔ nwu kuyɔɔ fɔ.”

³⁵ Obe wɔ di Yesu lakple aatɔɔkakate ni, batɔkyente lakyε Yuda batii kasiisakɔ nɔɔfo Yairo leyo baawa ale, “Obi sankobi lefɔ nwu ntookpi nioso ɔnɔɔfo, tansinkpensa Saatuote dibuo okpee.”

36 Di Yesu lanu ni ɔlaa nwuaatoko ɔncofo nwu ale, "Tanyekε, afɔ fū fanu!"

37 Yesu ditatuna ale kuonwii atikanko nwɔ diediki Petro ku Yakobo ku obilema Yohane.

38 Obe wɔ baawa ni Yairo leyo Yesu lanya ale batii lesi ninfa boowi kaku ku kudu osie kanya. **39** Di Yesu labuo ni leyo kame, ninfe aabue ale, "Be ninle kudu ku kaku nwu biowi ni? Obisɔ nwu diekpi ɔkyɔsii ɔɔkyɔsii!"

40 Batii nwu lama nwɔ ni aata batii bamuu ladie, ni akpaa obi ote, obi ɔya ku basaateketete nɔɔ batie nwu ni baasifi nfū die obisɔ nwu lakpi aate ni ne. **41** Ni di Yesu lamufū obisɔ nwu kɔɔneɛ aabue seele lεma ale, "Talita koumo!" Lεsɔdiki ninle ale, "Okpeele, taka!" **42** Nfanwu ɔsankobi nwu lataka aakyε. Lefosi ale anyɔ obi aale. Diate diabla batii nwu ɔkpε osie kanya. **43** Yesu lakpee ma kufiofa osie kanya ale batanta otii kuonwii lanu, ninfe aatoko ma ale, bamie lelesaa batɔɔ ale.

6

Baasi Yesu Di Nasaret.

1 Yesu ladie niinfa aawa okpoo lεma, ku basaateketete nɔɔ. **2** Di Lεnyεetεyi lawo nii, aakyako asaa otuo di Yuda batii kasiisakɔ. Assaa otuo nɔɔ labla batii ba nianu ni ɔkpε, ni baakaale bawo ale, "ɔfe di otii wɔ lanu selaa se mmle eekyeko? Lemensaatofo okle ninle nle mmle bεεtɔɔ ni! Le ɔbla sekpe se niεbla ni ɔkpε nkpo?" **3** Diele nnwɔɔ ninle Maria obi, saawolate nwu? Diele babilema ninle Yakobo, Yose, Yuda, ku Simon? Babi lεma sankobi kafɔɔ nsi wo kaamε." Nioso baasi nwɔ.

⁴ Yesu latoko ma ale, “Batii mbu Yaa Olala buetete di kako biala diediki okpoo lema, kafaabi noo ku babi lema kame manambu nwɔ.” ⁵ Nioso atafuo lessaa le niebla ni ɔkpe ɔbla ninfa. Diediki bafiete basee afuo kɔnees otika aatakatesa ma siifie. ⁶ Batii noo ɔtanfū onu labla Yesu ɔkpe.

Yesu Lakpee Basaateketete Noo Lefosi Banyɔ Koto.

Yesu lakyi nkpayetū be niawē ni di ntεε nwu aatootuo batii olala biene. ⁷ Aalee batokyente lefosi banyɔ nwu aasiisa, ni aase ma banyɔ banyɔ aakpee ma koto. Aata ma osie diε anwuna kpile suoto. ⁸ Ni aakpee ma kufiofa ale, di osuku lema ɔkye kame batanklee lesalesaa diediki ɔkyenwoso, batanklee alesaa, kotofo ko mankaale ni asaa, batanklee koto. ⁹ Bakpe ntokota kafɔɔ batanklee osi awu nyɔɔfa.

¹⁰ Aatoko ma kafɔɔ ale, “Nse kako lele beefū ye kɔfɔɔ, bisie ninfa dilaase di obe wɔ bibadie ni di okpoo nwu. ¹¹ Nse bieεkye okpoo wɔ baatii diefū ye nii, ee baanu ye nii olala, biesifi bidie ma, kafɔɔ biefente nkpaasɔ lee kɔte bite ma. Nni nimatuo ale baasi ye ofū ne.”

¹² Nioso baakyε baalaabue Yaa olala baata batii ale, bikyi siikpile lee suoto, bietikanko Yaa sisuku. ¹³ Baatososa anwuna kpile kpinwu baatii suoto, baafifia bafiete kpinwu nnɔnyi, baayɔɔsa ma sifie.

ɔka Herodes Lata Baabudi Yohane Disi.

¹⁴ Yesu leyooto lakyaka ntεε nwu, ɔka Herodes lanu, ni baatii bawo latoobue ale, “Yohane Yaa Ntu Kpeesate nwu bεεtakatesa beekyeko bakpi

kame, nioso akpe osie ɔɔbla sekpe se niɛbla ni ɔkpe ne."

¹⁵ Batii bawo kafɔɔ labue ale, "Yaa ɔlaa buetete Elia dile!"

Babamba ale, "Yaa ɔlaa buetete wɔ niedie ni saa Yaa ɔlaa buetete owo ale!"

¹⁶ Di Herodes lanu ni selaa se mmle, aabue ale, "Yohane wɔ lata baabudi ni disi bɛɛtakatesa beekyeko bakpi kame ne!"

¹⁷ Kaasɔ̄ kakyekɔ̄, Herodes omu niata baamafū Yohane baate leeyo ta Herodia oso, diekye Herodes lafū Herodia wɔ nle ni obi lema Filipo ɔsɔfɔ̄ aayɔ̄. ¹⁸ Ni die Yohane latɔ̄kɔ̄ nwɔ̄ ale, "Kufiofa dieta osuku ale faafū obilee ɔsɔfɔ̄ fanyɔ̄!" ¹⁹ Nioso, Yohane ɔlaa latoobuo Herodia suoto, ni aakyidi Yohane ne, aamiɛ ale oolo nwɔ̄, kafɔɔ atafuo ta Herodes oso. ²⁰ Diekye Herodes nye ale Yohane nle otii biene ku otii klekle nkpo oso anyeke nwɔ̄, annyu ale lesalesaa diebla nwɔ̄ kuntɛ selaa nɔ̄c ntofo nwɔ̄ osie kanya ambɔ̄mbɔ̄ sī onu.

²¹ Dii ninwii lesaa le di Herodia komiɛ ni lawa kaanya. Herodes lale lelofoyi dii nɔ̄c. Aatū opunu, aakyakako banɔ̄fo ku Galilea okpoo banɔ̄fo ku kakpe kanya bayilate banɔ̄fotii aawa alesaa kalekɔ̄. ²² Herodia obi sankobi lakyɛ alesaa nwu kalekɔ̄, ni aatū, diabuo Herodes ku batii ba aakyakako ni anu nwaa.

ɔka Herodes latɔ̄kɔ̄ ɔsankobi nwu ale, "Kaale mi lesaa lele ninlɛ fɔ̄, amii mata fɔ̄!" ²³ Aaka ntam aatɔ̄ ale, "Mayɔ̄ lesaa lele fɛɛkaale mi nta fɔ̄, dielaase ni bia sɛɛka nii kalekɔ̄ kakye!"

²⁴ ɔsankobi nwu ladie aalaakaale ɔya ale, "Be ninkaale?"

Aatokɔ́ nwu ale, “Kaale Yohane Yaa Ntu Kpeesate disi!”

²⁵ Nfanwu ḥsankobi nwu lapesewa aawa ɔka Herodes ɔkye, ni aatokɔ́ nwɔ́ ale, “Komie nle budi Yohane Yaa Ntu Kpeesate disi, faayɔ́ fakpee di bɛesi kame fatee nunua!”

²⁶ Olaa nwu labuo ɔka Herodes suoto osie kanya, kafɔ́ die ntam be aaka ni ku batii ba aakyakako ni oso, aata miɛ ale ḥwaale olaa wɔ́ aabue aate nii. ²⁷ Nfanwu ɔka Herodes lata disi budite osuku ale akye aalaabudi Yohane disi awako. Ni aakye aalaabudi Yohane disi die leyo katenkɔ́ ne. ²⁸ Aayɔ́ disi nwu aakpee di bɛesi aawako, aayɔ́ aata ḥsankobi nwu. ḥsankobi nwu kafɔ́ layɔ́ aakyenku ɔya.

²⁹ Obe wɔ́ di Yohane basaateketete lanu nii, baakye baalaayɔ́ kpi nɔ́ nwu baalaakookaa.

Yesu Lata Batii Nkpe Nnɔ́ɔ Alesaa Bale.

³⁰ Batɔkyentɛ nwu di Yesu lakpee ni kɔ́tɔ́ lakple baawa ɔkye nɔ́ɔ, baabatɔ́ko nwɔ́ asaa ya baabla ni ku n-ya baatuo nii. ³¹ Nle mmle semaa, batii kpинwu latɔ́ɔwa ɔkye lɛma diata ale batawɛ osuku bale alesaa, nioso Yesu latɔ́ko ma ale, “Biwa buolate ɔnyeɛ keekɛɛ.”

³² Ni baabuo di oklo kame baasifi lɛba le nialo ni ne. ³³ Kafɔ́ batii lanya ma baate nsū nioso baakyɛ sekpoo ate ate baatoso baatikanko ma baasifi nfū di Yesu ku basaateketete nɔ́ɔ latoofe nii, diata ale batii nwu lakasa ma obuo. ³⁴ Obe wɔ́ di Yesu ladie ni die oklo kame aanya ni batii dikudi kplɛ nwu, olaa lɛma lanu nwɔ́ kafutu, diekye baate fe bafoso ba di kpate nnaa nii, ni aatu ma asaa kpинwu ne.

³⁵ Koɔtɔɔfɔ lawo nii, basaateketetes nɔɔ lawa babatɔkɔ nwo ale, “Nfū bukpe ni lekyo ku okpoo, kale kafɔɔ nfe koloo. ³⁶ Diki ma osuku baasifi sekpoɔ biibii ku nkpaayotū be niɛmama wo diekyi ni baalaamie alesaa bayaa bale.”

³⁷ Kafčč Yesu latčč ma ale, “Aye bamu bimie alesaa bita ma bale!”

Ni baabue ale, "Ni əkye buakyə munaayə otii awente anə kəkpento munaaya alesaa muwako ma manle?"

³⁸ Ni di Yesu latoko ma ale, "Bitookeye bielaanyu bile bloblo akudi ase ninte ye?"

Baakple baabatökö nwä ale, "Bloblo akudi ançö ku kókpaku sənle konyɔ ko kule."

39 Yesu latoko basaateketete noo ale bata batii nwu basie akudi akudi seefaa leketee konle nwu suoto. **40** Nioso baasie die akudi kanya, akudi awo kolafa, awo kafco afosi ccoa.

41 Yesu layo bloblo akudi anoo ku kôkpaku nwukonyo, ni aanyu osi aakusekusesa nya. Aabebes bloblo nwu aata basaateketete noo ale base bata batii nwu, ni aabebes kôkpaku nwu konyu kafccaaata batii nwu bamuu ne. **42** Obiala lema lale aamie.

43 Obe wɔ baasaatekete nɔɔ läsiisa ni bloblo
ku kɔkpaku kɔkyee ko niabu nii, baawɛ lefosi
nkyikye nkple nnyo. **44** Batii ba niale ni alesaa
nwu basucto lepo lawo nkpe cconu.

Yesu Lakyε Di Ntu Osi.

45 Nfanwu Yesu latəkɔ̄ basaateketete cōn ale, babuo di oklo kame wla baatɔ̄sɔ̄ okpoo cwɔ̄cɔ̄sɛlɛs ni Betsaida di lekpo nwu səmaa. Ninfɛ aadiki batii dikudi nwu kafɔ̄cɔ̄ osuku nɛ.

46 Nni kamaa, Yesu omu kaf  o lasifi kabokot  ee osi aalaape   laa aata Yaa. **47** K  ct  f   lawo nii, oklo nwu kaf  o nt  odu l  epanta nwu nt  e  . Yesu lete nf   niabu di kas   nwu suoto. **48** Yesu lanya ale oklo nwu   wa k  we basaateketete   n  o osie, diekye k  f  ef   lat  ckyakako ma. Di kuyitat   elomu etie kame aaky   di ntu osi aatoofe   ky   lema, aamie ale   owaale ma anfe. **49** Obe w   basaateketete   n  o lany  o aky   ni di ntu osi   owa nii, ni baayiisa kudu ale, kpi ale! **50** Bamuu lema baany  o nii,   f  o lasifi ma.

Ni di Yesu lakakate ko ma aat  ko ma ale, “Bita situ lee site, biitany  ke! Ami dile.” **51** Ni aayie aabuo di oklo nwu kame di anu lema, ni die af  ef   nwu ladie   fe ne. Diate diabla ma   kp   osie kanya! **52** Diekye batanu kas   di lesaatuo le ninsi ni die bloblo w   aata ma baale ni kame, ditabudi ma diekye bataf   baanu.

Yesu Lakya Batii Sifi   Di Genesaret.

53 Obe w   baataale ni lekpo nwu baalaadu ni kakye ny  ifa, baalaasoo die Genesaret okpoo. Ni baape oklo nwu lekpo ne. **54** Obe w   batosoo ni die oklo nwu kame batii lanya Yesu baate ns  . **55** Nioso baatoso baalaat  ko batii di nt  e   nwu, ta nkpo oso kak   lele beenu ale Yesu nkpe, mankenke bafi  t   ku atensaa lema manwako Yesu nf  . **56** Kako lele di Yesu leky  , nkpayet   woo, sekpoo woo, ee sefensuku, mankenke bafi  t   mamate di asaa kayak   aba aba, mantikiti nw   lekoto ale, ata bafi  t   nwu bakpanko awu n  o kotoko. Batii ba niakpanko nw   ni awu kotoko, sifi   lay  o ma.

7

Tansī Yaa Ta Fatikanko Ni Amanle Lee Oso.

¹ Farisi batii ku kufiofa batuote bawo lakyē Yerusalem baawa baabamana Yesu baakyi.
² Baanya ale basaateketetē nōc lasie baatoole ni alesaa, bawo ditafoto nnēe fē mmle diē Farisi batii letuo batii ale batofoto nii. ³ Baafuo otofo ta Farisi batii ku Yuda batii latōoblā bawa lema amanle ya baadie baate ma nii. Nioso diediki beefoto nnēe lema fē mmle baatuo ma nii, fīe manle alesaa. ⁴ Se bēeyā lessaa lele di asaa kasunsukō, dikpe ni beefoto nnēe lema fīe beeble. Manle afiofa ya kpinwu bēetaka bēebatū nii, fē mmle manfoto ni nkōkōe ku awambukii ku ntu adubukii.

⁵ Nioso Farisi batii nwu ku basaatuote nwu lakaale Yesu ale, “Lē oso diē batikankote lefō dilōoblā bawa loo amanle? Manle asaa kunte baafoto nnēe kafōcō!”

⁶ Yesu ladiki kanya ale, “Nwaako ɔlaa wō di ɔlaa Buetete Yesaia labue ni di balaate lee suoto kute nkpo. Fē mmle bēekpana bēete ale,

‘Batii ba mmle kanya fukiti ko man-yō mantansēe,

kafōcō māmbōombō mi siitu lema kamē.

⁷ Kasakasa bōoblā mi ɔkpē.

Diekye bakle batii afiofa bootuo fēle afiofa nii ale.’

⁸ Dietuo ale batōoyō Yaa afiofa beekookaa, bēeyō batii ablasaa bootuo ye.”

⁹ Yesu lakple aatōko ma ale, “Biefe diē kakyonkyō osuku biedie Yaa afiofa biēte, biōbla diē aye bamu lee saa amanle. ¹⁰ Diē ɔtē onyu kamē, Mose lakpee kufiofa ale, ‘Bu teefō ku

yaafɔ. Otii lele niɛkpaani ote ee ɔya, dikpe ni beelo nwo.¹¹ Kafɔɔ biotuo bile, nse otii owo nkpe lesaa ale ɔɔkyakaako ote ee ɔya, aafuo obue ale, ‘Lesaa le nlɛ kɔta ye nii, ntoodiki ni lɛte fe lesaa klekle nlɛ man-yɔ nta Yaa ole.’¹² Bilɔɔta ma osuku bile bata balofote lɛma asaa ya nieff̄ ma nii!¹³ Ote ko dite fele bieyɔ bawa lee amanle biɔlalaasa Yaa afiofa. Mimbla asaa bamba kpинwu fe n-ya mmle okle.”

Nnya Sikpile Se Sewo Ninkpɔnɔnfɔsa Ni Otii.

¹⁴ Nni kamaa, Yesu lakple aalee batii dikudi nwu ale bateetee nwɔ. Ni aatɔkɔ ma ale, “Bamuu lee bikyɔɔ mi atoko, bienu ɔlaa wɔ matɔkɔ ye ni kasɔ.¹⁵ Lesaa lele di otii léle eekpee kaafutu dilaata ale akpɔnɔnfɔ di Yaa anu. Kafɔɔ asaa ya nindie ankye ni otii otu kame, nnyia ninkpɔnɔnfɔsa nwɔ ne.¹⁶ Bienu kasɔ.”

¹⁷ Nni kamaa, obe wɔ aadiɛ ma aasifi ni leyo ninwii, basaateketete nɔɔ latɔkɔ nwɔ ale, adíki ɔlaa nwu kasɔ ata ma.

¹⁸ Yesu latɔkɔ ma ale, “Ni ayee bienu kasɔ? ɔlaa wɔ mmle diɛkpa kame ale lessaa lele di otii lele eekpee kaafutu kame dilaafuo nwu ɔkpɔnɔnfɔsa?¹⁹ Diekye diele otii otu kame nimbuo, kafɔɔ kafutu nɔɔ kame nimbuo fiɛ ankye ni andiki.” Nioso ɔlaa wɔ di Yesu kobue ni ninfū, kotuo ale alesaa amuu nlɛ ale baale.

²⁰ Aakple aabue aakyakaa ale, “Lesaa le nindie ninkye ni otii otu kame, nni ninta ambla okpile ne.²¹ Diekye otii otu kame di disibu kpile nkye, nni ninta otii mbla asaa ya ninanlɛ ni ne. Asaa nwu awo ninle otetee ku kayu ku batii olo kue²² lesɔnɔkpee, onumbɛbɛɛ, disi osie ku ditii

kyɔnkyɔ, suoto sīna ɔkɔnsɔ akleesaa otikanko, batii odu okutu, onunseɛ, suoto katoo ɔtakatesa ku abuusaa ɔbla. ²³ Sikpile se mmle simuu nindie sinkye otii kamɛ ne, nsī kafɔɔ ninta otii nkɔnɔnfɔ ne.”

ɔsankɔ Onwii Niakyɛ Foinike Kasɔ Lafū Yesu Aanu.

²⁴ Sema, Yesu ladie aasifi kasɔ ka niɛteɛte ni okpoo wɔ bɔɔlɛɛ ni Tiro. Aabuo leyo ninwii, kafɔɔ atamie ale otii atofo ale akpe ninfa, atafuo owofa kafɔɔ. ²⁵ ɔsankɔ onwii, obi sankobi, ninwuna kpile lasie nwɔ. ɔsankɔ nwu lanu Yesu lekpango ninfa, ni aati nwɔ aakyɛ aalaapɛ akunkyi di nkpaatū nɔɔ. ²⁶ Ninfɛ aatikiti Yesu lekoto ale atososa ninwuna nwu di obi suoto. ɔsankɔ nwu Hela otii aale, kafɔɔ baalofo nwɔ di Foinike kasɔ.

²⁷ Kafɔɔ Yesu ladiki kanya ale, “Ta bata babisɔ alesaa bale bamie fie. Diekye dieɛle ale baayɔ babisɔ alesaa manta baweejee ale bale.”

²⁸ Nfa diɛ ɔsankɔ nwu kafɔɔ kokpee nwɔ kanya ale, “Ao, Saate, baweejee ba nsi ni diɛ opunu kalɔ di alesaa kalekɔ, nwɛ osuku manle alesaa ya baabisɔ kole oowiwi ni kaasɔ.”

²⁹ Ninfɛ di Yesu latɔkɔ nwɔ ale, “Ta, kanya didiki le feediki ni ninfū oso, tɔɔkyɛ leyo. Fabalaanya falɛ ninwuna kpile nwu ntoodie di obi lefɔ suoto.”

³⁰ Ninfɛ di ɔsankɔ nwu lasifi leyo ne. Nfa aalaanya ale obi cɔu nwu nte kaatenkɔ cɔu ninwuna kpile nwu ntoodie diesifi.

*Yesu Layɔɔsa Osɔɔnɔsɔ Wɔ Ninoonu Nii,
ɔɔcɔkakate Ni Kafɔɔ Ofie.*

31 Yesu ladie di Tiro ntεε nwu aafe di Sidon, aasifi Galilea lεpanta semaa aalaata di ntεε be die ekpoo lefosi nkpe nii. **32** Nfa di batii banwii lakyeko osučtō wō ninoonu nii, onoofuo ni ɔkakate nwaa kafčč baawako Yesu ne. Baatikiti nwō lekoto ale atika nwō kčnεε, aayččsa nwō ofie.

33 Nioso Yesu lakpaa nwō aasifiko lεba le nielo nii baatii nnaa nii, ni di Yesu lakpee anεε nōč di osučtō nwu atoko kame ne. Aatufa sita aatika kčnεε, aycč aatusa osučtō nwu di ɔkplalomii. **34** Ninfe di Yesu lakplesa anu katoo aanyu osi ni aanwuna aadieko nwaa, ni aatčkč osučtō nwu seele lεma ale, "Hefata," kasč ninle ale, "Tikit!" **35** Nfanwu, osučtō wō mmle atoko niatikiti, ɔkpalalomii nōč okū labudi ninfe aakyako ɔkakate nwaa ne.

36 Yesu lasč aata batii ba niayila ni ninfa ale batantčkč otii kuonwii lesaa le baanya ni ninfa. Kafčč batanu, bamuu lεma baasifi baalaatoobue mmle diawa nii. **37** Batii ba bamuu nianu ni selaa nwu, diabla ma yaaa! Ni baabue ale, "Anlolaa assaa amuu ambla! Anta bamumu nkakate, batokotčite kafčč nnu!"

8

Yesu Lata Batii Nkpe Nna Alesaa Baale.

1 Ditakle saa fie baatii kpinwu labasi ninfa. Ta lesalesaa ditabu ma baale ni oso, Yesu laleε basaateketete nōč baawa nwō katū ni aatčkč ma ale, **2** "Batii ba ɔlaa konu mi kafutu diekye batččwε di ɔkyε nii ayi atie amu. Kafčč lesalesaa diebu baawε manle nii." **3** Nse ledie ma nlε

batɔɔkyε, loo babalaatookpi kɔka diε osuku. Diekye bawo lekye nkyonkɔ.”

⁴ Ninfε di basaateketete nɔɔ lakaale nwɔ ale, “Di ɔfaafuu wɔ mɔ, ɔfε di otii mawε alesaa anta batii ba mmle ale bale bamie?”

⁵ Nfa nfε di Yesu lakaale ma ale, “Bloblo akudi ase bikle?”

Ni baatɔkɔ nwɔ ale, “Bloblo akudi akuensī bukle.”

⁶ Yesu latɔkɔ bamuu lema ale basie kaaso. Ninfε aayɔ bloblo akudi akuensī nwu, aapε Yaa sefa, ninfε aabεbεε nwɔ kɔkyεε kɔkyεε aata basaateketete nɔɔ ale bayɔ bata batii nwu bamuu. Mma kafɔɔ, baayɔ baase ma fεε.

⁷ Baanya ale kɔkpaku kɔsεε kafɔɔ labu nii, Yesu layɔ kū kafɔɔ ninfε aapε sefa ne. Aayɔ kū aata basaateketete nɔɔ ale bayɔ base ma kafɔɔ. ⁸⁻⁹ Batii ba lale alesaa nwu baamie. Basuɔtɔ lete lεpɔ labla nkpe nna. Baale baaloo nii, basaateketete nɔɔ lasiisa kufii ko niabu nii baawε nkyikyε nkple nkuensī. Sεmaa, Yesu ladiki ma osuku baasifi. ¹⁰ Ninfε di Yesu ku basaateketete nɔɔ labuo di oklo kame baataale ntu baasifi kasɔ ka bɔɔlεε ni Dalmanuta.

Farisi Batii Lakaale Yesu Ale Abla Atuosaa Atuo Ma.

¹¹ Farisi batii lawa Yesu ɔkyε ale bɔɔbakaale nwɔ sεlaa mansɔ nwɔ mannyu. Nioso baatɔkɔ nwɔ ale abla atuosaa atuo ma baanya ale Yaa nfū eekye. ¹² Kafɔɔ Yesu lanwuna faa, ni aakaale ma ale, “Obe lesaa oso die nunua babi komie ale batɔɔnya atuosaa? Oowo, kɔtɔkɔ ye nle nɔɔmatuo ye lesaa le biomie bile binya ni ninfū!”

13 Ninfé aasifi aadié ma aakple aalaabuo di oklo kame aataale lēpanta nwu aasifi kakye nyōcfa.

Yesu Lape Lekpa Aakyeko Lenyanka Suoto.

14 Obe wō baatoofe nii, basaateketetē nōc layee batakelee bloblo, dikudi ninwii ko niabu die oklo kame. **15** Ninfé di Yesu laka ma ale, “Bilola binyu biemufū suoto lee biklee di Ḍka Herodes ku Farisi batii mmole nyankale suoto.”

16 Basaateketē nōc labue baata baawo ale, “Ta nle munankle bloblo apō ni oso oobue ɔlaa nwōne?”

17 Kafōc Yesu latofo ɔlaa wō baatoobu ni oso aakaale ma ale, “Obe oso biobue bloblo ɔwenlaa? Diεbase ni di nunua, biifuo ɔnya ɔte nsū, biinu kasō? Atoko nkpe ye opī nwaa! **18** Bikpe anu, kafōc biləonya! Bikpe atoko, kafōc biloonu! **19** Bitanya obe wō labebue bloblo akudi anōc lata ni batii nkpe nnōc baale ni? Nkyikye nse di kōkyee kōkyee ko niabu ni layii?”

Ni baatōkō nwō ale, “Nkyikye lefosi nnyo.”

20 Yesu lakple aakaale ma ale, “Di obe wō kafōc lasē ni bloblo akudi akuensī lata ni batii nkpe nna, kōkyee kōkyee nwu niabu nii, nkyikye nse kuuayii?”

Baatōkō nwō ale, “Nkyikye nkuensī.”

21 Ni aakple aakale ma ale, “Ni bia nua biinu kasō?”

Yesu Latikiti Numbiete Anu Di Betsaida.

22 Obe wō baakyé baalaadu ni Betsaida, batii banwii lakpaa numbiete onwii baawako Yesu nfū, ni baatikiti nwō lekoto ale akpanko nwō ne.

23 Ninfé di Yesu lamufū nwō kōcneé aakpaa nwō

aadieko di okpoo ntεε. Ni aafιε nwɔ sita di anu, aayɔ nnεε aatika nwɔ di anu, aakaale nwɔ ale, "Fɔɔnya lεsaa lewo?"

²⁴ Ninfε di osuɔtɔ nwu latakatesa anu aanyu osi aabue ale, "Yii kɔnyɑ batii, kafɔɔ bate feε awoso. Bakye bookyi."

²⁵ Ninfε di Yesu lakple aakpanko osuɔtɔ nwu anu ne. Di obe nyɔɔfa wɔ mmle kame, osuɔtɔ nwu latikiti anu nwaa aanyu, diakpa nwɔ aakyako asaa ɔnya klekle. ²⁶ Ninfε di Yesu ladiki nwɔ osuku ale atɔɔkye leyο nɔɔ, kafɔɔ ataasinkple aalaafe die okpoo nwu kame.

Petro Ladiki Aatuɔ Otii Wɔ Okle Di Yesu Nle Ni.

²⁷ Nni kamaa Yesu ku basaateketetε nɔɔ ladie ninfa baasifi nkpayotū be niɛkaako ni Kaesarea di Filipi. Baakyε ni die osuku, Yesu latɔkɔ ma ale, "Bitɔkɔ mi ɔmentiikle baatii kobue ale nle?"

²⁸ Baatɔkɔ nwɔ ale, "Bati**i** bawo kobue ale, Yaa Ntu Kpeesate Yohane fale. Bawo kafɔɔ kobue ale Elia fale. Bawo kafɔɔ kobue ale Yaa ɔlaabuetetε onwii lεma fale."

²⁹ Ninfε di Yesu lakple aakaale ma ale, "Ni aye mɔ? Owe biefū bienu bile nle?"

Petro latɔkɔ nwɔ ale, "Afɔ ninle Kristo wɔ bεεre ni ɔfɔɔ ne."

³⁰ Ninfε di Yesu lakpee ma kufiofa ale batantɔkɔ kuonwi ɔlaa wɔ mmle baye beekyeko nwɔ ni suoto.

Yesu Lakakate Ankyeko Dibuo Nɔɔ Ku Kukpi Nɔɔ Suoto.

³¹ Ni di Yesu lakyako basaateketetε nɔɔ asaa otuo ne. Aatɔkɔ ma ale, "Dikpe nii Otii Obi lefe

diibuo kpinwu kamε diε okpoo banɔɔfo ku Yaa olebatate ku kufiofa batuote nnεε kame mansĩ nwɔ. Babalo nwɔ, kafɔɔ, di dii tiefa, abakple ansenke.” ³² Aatɔkɔ ma selaa se mmle klekle aaloo nii, ninfe di Petro lakpaa Yesu aasifiko ɔlɔɔkɔ ni aalaasi ɔlaa nwu aatɔɔ nε.

³³ Kafɔɔ di Yesu lamunikii aanyu ni basaateketete nɔɔ, aasi ɔlaa nwu aata Petro ale, “Abonsam kye mi di ɔlɔɔkɔ!” Ni aakple aabue ale, “Disibu lefɔ nwu diekye Yaa nfū kafɔɔ otii nfū diekye!”

³⁴ Nioso Yesu laleε batii dikudi nwu ku basaateketete nɔɔ aatɔkɔ ma ale, “Nse otii owo komie ale awa abatikankoe, ni dikpe nii ansĩ suoto nɔɔ, an-yo aatoo nɔɔ, antikankoe.

³⁵ Diekye otii lele nials ɔota nkpa nɔɔ, abayu mi, kafɔɔ otii lele nieyu nkpa nɔɔ diisi nii ta ɔlaa nii biene oso, abawε nkpa. ³⁶ Lementota dibiene di otii mawε nse εεwε kayi ka mmle assaa amuu eeyu nkpa nɔɔ? ³⁷ Ee obesaa di otii kayɔ ankyεlensa anfū nkpa nwaa nwu? ³⁸ Nse otii owo lenunsɔ mi ku ɔlaa nii di Yaa ɔtanyεkε di ayi kpile ya mmle kamε, ni ami, Otii Obi nwu, kafɔɔ manunsɔ nwɔ, nse lekple lewa di Teemi leklekle kamε ku Yaa batɔkyεntε nɔɔ klekle.”

9

¹ Ninfe di Yesu lakple aatɔkɔ ma ale, “Nwaako kɔtɔkɔ ye nlε, batii bawo kaame lee dilɔbakpi, diediki bitɔɔnya bile Yaa sekə ole ntɔɔwa ku osie fie.”

Yaa Ladiki Yesu Leklekle Aatu.

² Ayi akuc semaa, Yesu lakpaa Petro ku Yakobo ku Yohane baakyε kobokote takale kunwii osi. Lete lema niawε ninfa. Obe wε basaateketetε nco latoonyu nii, kakyi kanwii lawa di Yesu suoto. ³ Awu noo lapu fututu osie kanya aatoos-eze di anu aalenke mmle die otii kafoto lessaa nindie ni nintu. ⁴ Ninfe die basaateketetε noo batie nwu lanya Yaa Olaa Babuetete Mose ku Elia lakycc baatccakatεko Yesu.

⁵⁻⁶ Leyekε lape Petro ku bawo noo diata ale, batatofo be baatoobue. Ninfe di Petro latckε Yesu ale, "Saatuotε, nfū loo lewa letε dile. Diki wo osuku buçpε akpaayo atie. Anwii alefɔ, anwii Mose, anwii kafcɔ Elia."

⁷ Ninfe di dituntū ninwii labatī ma ku kunyīi noo, ninfe seelc sinwii ladie di dituntū nwu kame diabue ale, "Nnya obi nii bombote ninle nwɔ ne. Bikycɔ nwɔ atoko bienu nwɔ ɔlaa!"

⁸ Nfanwu baanyunyu nii, batasinya kuonwii dilenkee Yesu lete niayila ma die ɔlccckε.

⁹ Baakye kobokote osi boosoo manwa nii, Yesu lakpee ma kufiofa ale, "Bitantckε kuonwii lessaa le biεnya ni ninfū, dielase die obe wε di ami, Otii Obi nwu, mataka nkye ni bakpi kame."

¹⁰ Baakycɔ ɔlaa nwu atoko, kafcɔ se nima nima basi, mantcckaale bawo ale, "Otaka Baakpi kame kasɔ mɔ?"

¹¹ Ninfe baakaale Yesu ale, "Le oso di kufiofa batuotε labue ale Yaa Olaa Buetete Elia kakasa Kristo ɔwa?"

¹² Yesu latckε ma ale, "Nwaako baabue Elia maka Kristo katū ole amalolaa asaa ante. Kafcɔ bεekpana Kɔɔkpana Klekle kame ale Otii Obi nwu mafe diibuo kpinwu kame. Babasi nwɔ

kaf  o. Le oso bienyu bile baabue nkpo? 13 Kot  ko ye nle, Elia nt  owa e  bafe kofokofoko. Kaf  o batii ditaf   nw  , baabla nw   nle ninle ma nii, fe mmle baakpana baate ni di suoto n  o.”

Yesu Lay  csa Osu  t  bi Onwii Ninwuna Kpile Lasie Ni Kaame Ofie.

14 Obe w   di Yesu ku basaateketete n  o batie ba mmle lakple baawa ni bawo lema kame, baanya ale batii kpinwu lamana ma baakyi, baat  onanfi selaa ku kufiofa batuote bawo. 15 Obe w   baatii nwu lanya ale Yesu nfe k  wa nii, diabala ma   kpe, ninfe baatoso baalaakyakako nw   baaseesa nw   ne.

16 Yesu lakaale basaateketete n  o ale, “Obe selaa biye bi  nanfi?”

17 Ninf   di osu  t   onwii di batii nwu kame lat  ko Yesu ale, “Saatuote, lekpaa obi nii lewako   kye lef  , ta niwuna kpile nsi nw   ni oso, oloofuo   kakate. 18 Obe lele nse ninwuna nwu k  kpeko nw  , ann  o ampe kaas  , afuuta ntoodie nw   kaanya, antoowee any  e, eebensa suoto tii. Ninf   lekpaa nw   lewako basaateketete lef   nf   nle batososa ninwuna nwu di suoto n  o, kaf  o baafuo.”

19 Ninf   di Yesu lat  ko ma ale, “Ee! Mi   akyenf  ole lee, of   onu lee di  p  ! Ses   bile nsie ye kaame fie bief   binu. Ee le ninkle ye naase fie bibanu asaa kas  ? Bikpaa obis   nwu biwakoe!”

20 Ninf   baakpaa nw   baawako Yesu nf   ne. Die ninwuna kpile nwu lanya   nya Yesu, diawanyinsa obis   nwu, aanc   aape kaas   aakyako osisikiti, afuuta latoodie nw   kaanya.

21 Ninfé di Yesu lakaale obisó nwú ote ale, “Diékyako nwó ni óbla mmle ditóokelé?”

Osuóto nwú latókó nwá ale, “Sibisó nó ke diakyako nwó óbla. **22** Obe lele ninwuna le mmle komié ale dilo nwó kokooko. Se diéwa nkpo, ninta ale antóoncó antooobuo di ótó ee ntú kame. Lekoto, nya wo nyaami faakyakaako wo, se lesaa le faafuo ni óbla dile!”

23 Yesu latókó nwó ale, “Lé oso fóotókó mi falé se kafuo? Lesalesaa nnaa otii wó niefú mi eenu ni osie.”

24 Nfanwu, obisó nwú ote labue osie kanya ale, “Nkpe ofú onu kafóo kuóro. Kyakaakoe ninwe ofú onu nkyakaa!”

25 Obe wó nfe di Yesu lanya ale batii kpínwú nfe kóteeté nwó nii, ninfé aatókó ninwuna kpíle nwú ale, “Afó ninwuna le ninanta batii lanu ni ku ótankakate, kótkó fó nle die di obisó nwú kame, diidii kafóo tamasimbuo nwó kaame!”

26 Ninfé ninwuna le mmle layiisa kudu osie kanya, diaawanyinsa obisó nwú diate kaasó fíe diadie diasifi. Obisó wó late ninfa fe le okpi atookpi. Batii ba niayila ni ninfa latoobue ale, “Eekpi.” **27** Kafóo Yesu lamufú obisó nwú kóonee aatakatesa aase.

28 Semaa obe wó di Yesu lalabuo ni leyo, basaateketete nó lakyé baalaakaale nwó buue ale, “Lé oso butafuo ninwuna kpíle nwú otososa di obisó nwú kame?”

29 Ninfé di Yesu latókó ma ale, “Diediki otii kópe olaa anta Yaa, annii kanya wlawla fíe abafuo ninwuna le mmle okle otososa odiki di otii kame.”

Yesu Lakple Aakakate Di Kukpi Nó Suoto.

³⁰ Yesu ku basaateketete nōc ladie ninfa baafe di Galilea kasō. Yesu ditamie ale otii kuonwii atofo nfū akpe nii, ³¹ diekye aatooutuo basaateketete nōc asaa. Aatōkō ma ale, “Otii onwii madiki Otii Obi kálō anta batii ale balo nwō. Ni kafōcō dii tiefa, abakple ansenke ansie nkpa.” ³² Kafōcō batanu əlaa wō aatōkō ma ni kasō, baayekē batakaale nwō əlaa nwu kasō.

Yesu Latuo Otiikle Wō Ninlenke Nii.

³³ Baalabuo ni Kapernaum, baalabuo leyo. Nfa di Yesu lakaale basaateketete nōc ale, “Obe əlaa biɛtɔɔ nanfi ko bawo biɔwa ni?” ³⁴ Kafōcō batadiki kanya. Diekye baatōcowa nii baatōcowa nanfi ale bootofo otii wō nii lenke ni kaame lema.

³⁵ Ninfé di Yesu lasie ni kaasō, aalee basaateketete nōc lefosi banyō nwu ni aatōkō ma ale, “Olele nikomie ale ale əkasale ni aabla suoto fe anaa kayilakō, aakyakaako bawo nōc.”

³⁶ Ninfé aata obisō onwii lawa aabayila sütū lema. Aakpaa obisō wō aatika l'aatī nōc ni aatōkō ma ale, ³⁷ “Otii lele niefū obisō fe nwō mmle okleta ami oso, ami eefū. Otii lele niefū mi, diele lete nii eefū. Kafōcō ku Teemi wō niekpee mi ni kōcō eefū.”

Otii Lele Ninan-yę Wo Di Suoto, Ayę Wo Kamaa.

³⁸ Ninfé di Yohane latōkō Yesu ale, “Saatuotε, buçnya osučtō onwii kotososa anwuna kpile baatii suoto leeyoto lefō kamε. Buatōkō nwō bulε adiε, diekye aasi wo kaamε.”

³⁹ Yesu latōkō ma ale, “Bitantī nwō osuku, diekye otii wō ni kōbla ni sékpre se niebla ni əkpε di leeyooto nii kamε, di nni kamaa, ələbamunikii wla akple abue əlaa kpile di suoto nii. ⁴⁰ Diekye

otii wɔ ninantaka ayila wo ni di suoto, awo ku nnwɔcɔ, onwii bule.

41 “Nwaako kɔtɔkɔ ye nle, nse otii leta ye ntu kakɔkwɛs kanwii bienyi ta ami Kristo bale bile ni oso, Yaa dilabasi nwɔ letota biene ɔta.

Bitanta Kuonwi Lakple Səmaa Di Ofūonu Suoto.

42 “Kafɔɔ se otii owo leta babiso ba mmle niefū mi beenu nii, onwii lema lekple die ofū onu nɔcɔ səmaa, otii nwu dibabuo nwɔ osie kanya! Se bɛeyɔ okū beenii difuɔ dibinte bɛesaka nwɔ siimuu, beefuki nwɔ beekpee di leekpo kame, diale nwɔ ninlenkee.

43-44 “Nioso se kɔnɛs lefɔ kunwii kɔlalaasa fɔ ofū onu, nu kass faabudi kū fayu! Dile dilenke ale faayɔ kɔnɛs kunwii fambuo di nkpa be ninnaa ni kaloo, ale faawɛ nneɛ nnyɔ, Yaa n-yɔ fɔ anfuki ankpee di ɔtɔ wɔ nikofie kunaa ni kaloo kame. **45-46** Se loo kɔkpaa lefɔ kafɔɔ nikɔlalaasa fɔ ofū onu, faabudi kū fayu. Se nkpaan nnyɔ ɔwɛ ale baafuki fɔ mankpee die ɔtɔ wɔ ninnaa ni kaloo kame oso, fakpe kɔkpaa kunwi fasi nkpa be ninnaa ni kaloo, dile dilenke. **47** Se loo ninu lefɔ ninwii kafɔɔ nikɔlalaasa fɔ ofū onu, faadiki ni fayu. Dibalefɔ ninlenkee ale faayɔ ninu ninwii fambuo Yaa səka kalekɔ, ale faawɛ anu anyɔ ale baafuki fɔ mankpee di ɔtɔ kple wɔ nikofie kunaa ni kaloo kame. **48** Nfa suoto beebeue ale,

‘Bakunnwɔcɔ ba ninlalasa ni asaa ninfa, manankpi ni diidii!

ɔtɔ wɔ kafɔɔ ninfie ni asaa ninfa, diidii kunnii.’

⁴⁹ Diekye babayə ətə mankleklesa batii bamuu suoto, fə mmle man-yə mba mankleklesa olecta kafəc.

⁵⁰ “Mba nle. Kafəc nse ditoooyu əmenefə ni mi, be baakple man-yə mankpee mi əmenefə? Nioso bita mba əkpər biene disiə ye kaame, biesie ku bawo lee di atoko əkyə ole kame.”

10

Yesu Latuo Asaa Aakyeko Əsa Ku Əsəfə Kusī Suoto.

¹ Ninfe di Yesu ladie ninfa, aasifi Yudea kasə, aataale Yordan okle. Batii kpınwu lakple baawa baabamana nwə baakyi ninfa, ninfe aatootuo ma Yaa əlaa fə mmle ambla ni əbla nə.

² Farisi batii bawo lawa Yesu əkyə ale bəəkyoo nwə okū. Baakaale Yesu ale, “Kufiofa loo ləta osuku ale osuətə kasī əsəfə?”

³ Ni di Yesu ladiki kanya, aakaale ma ale, “Obe kufiofa die Mose ləta ye?”

⁴ Ni baata ntale ale, “Mose ləta osuku ale, osuətə wə niale ansimbə ni əsəfə, aakpana kukū antəc letofo fie aasī nwə.”

⁵ Yesu latəkə ma ale, “Mose lakpana nle mmle aata ye di osuku wə mmle suoto diekye biesi bilə, baatantu ye lesaa. ⁶ Diə kayi kasəkakyekə, Yaa labla osuətə ku əsanko. ⁷ Nioso Kəəkpana klekle kukū lebuə ale, ‘Nle mmle oso, osuətə madie di ote ku ɔya suoto ansifi manko əsəfə cənə manaabla onwii, ⁸ banyə lema mankple suoto sina sinwii.’ Di Yaa anu, otii onwii nfe bale. Diele batii banyə. ⁹ Nioso batii ba di Yaa ntəəbla ni onwii kasə ka suoto, otii atamblasa ma ntəə!”

10 Sèmaa obe wɔ baakyɛ ni leyo, basaateketetɛ nɔ̄ lakaale nwɔ ɔlaa wɔ aabue aakyeko ni kufiofa nwu suoto. **11** Yesu ladiki kamɛ aata ma ale, “Osucto wɔ niesi ni osasɛ eekple εεlayɛ ni ɔbamba, ntookpee asɔnɔ, εεbla osasɛ nwu kofole okpile. **12** Nkpo nwu ke se osankɔ lesi ɔsa εεkye asi ko osucto bamba, nnwɔɔ kafɔɔ atookpee asɔnɔ, εεbla ɔsa nɔ̄ nwu kofole okpile.”

Yesu Lawii Babisɔ Leyɔɔ.

13 Di obe nwu kamɛ tutuutu, batii banwii lakpaa babi lɛma baawako Yesu ɔkye ale atika ma nnɛɛ di suoto aakusekuse ma. Kafɔɔ basaateketetɛ nɔ̄ lalɔnko ma. **14** Di Yesu lanya ni nkpo, ɔbɔ lafie nwɔ, ni aatɔkɔ basaateketetɛ nɔ̄ ale, “Bita babisɔ bawa ɔkye nii, bitantii ma osuku. Diekye batii fɛ babisɔ ba mmle okle kale ninle Yaa sekɔ kalekɔ nwu nkpo. **15** Nwaa kɔtɔkɔ ye nle otii wɔ ninanfū ni Yaa sekɔ kalekɔ fɛ mmle di obisɔ nwakosa ni suoto kaso dilabuo nfa diidii.” **16** Ninfɛ aasiisa babisɔ ba niawɛ ni ninfa dikudi atika ma nnɛɛ di suoto aata ma dikusekuse ne.

Saawente Onwii Lakaale Yesu Osuku Wɔ Baafe Manwe Ni Nkpa Nwaa.

17 Obe wɔ di Yesu lataka ale ooyefe ni osuku, osucto onwii latoso aabadu nwɔ aare akunkyi kaatū nɔ̄, aakaale nwɔ ale, “Saatuote Biene, be kabla fie kawɛ nkpa be ninnaa ni kaloo?”

18 Yesu lakaale nwɔ ale, “Be oso fɔɔlɛɛ mi otii biene? Otii kuonwii nnaa ale ni bienete, diediki Yaa lete. **19** Faye Yaa afiofa amuu. ‘Tanlo otii, tankpee asɔnɔ, tan-yu, tanlaa faatika di otii

suoto, tankyɔnkyɔ otii faafū nwɔ asaa, bu teefɔ ku yaafɔ.' "

20 Osuɔtɔ wɔ lakple aatɔkɔ nwɔ ale, "Saatuote, diɛyɔ ni di sibisɔ nii, diɛbase ni bia miɛ, kole afiofa ya mmle amuu."

21 Yesu lanyu nwɔ ku lebɔmbo ni aatɔkɔ nwɔ ale, "Lesaa ninwii ko niebu fɔ ɔbla. Tɔɔkye faalaayɔ asaa ya amuu niikpe fɔ ni fasunsū, faayɔ koto nwu fata bapiite, se fatookple saawente di Yaa kafa. Nni kamaa faabatikankoe nfe!"

22 Obe wɔ di osuɔtɔ wɔ lanu ni ɔlaa wɔ, nnɛɛ lafee nwɔ aakyɛ aasifi ku sənyaami diekye asaa lawɛ nwɔ kpинwu.

23 Yesu lamunikii aanyu basaateketete nɔɔ ni aatɔkɔ ma ale, "Dibawɛ osie fie diɛ basaawente mafuo Yaa sekə kalekɔ obuo."

24 ɔlaa wɔ lata basaateketete nɔɔ disi obu. Kafɔɔ Yesu lakple aatɔkɔ ma ale, "Babi nii, binyu mmle dikpe osie diɛta ni basaawente ale baawɛ osuku mambuo ni Yaa sekə kalekɔ! **25** Nfa ləma obuo mawɛ ma osie dilenke ale, kapurɔnko kabuo di pandie ditue anfe!"

26 Aatɔkɔ ma ni ɔlaa wɔ mmle, diata ma disibu osie kanya! Ninfɛ baatɔɔkaale bawo ale, "Ni owe mɔ, nimawɛ didiki?"

27 Ninfɛ di Yesu lanyu ma tuwii ni aatɔkɔ ma ale, "Otii kuonwii dilaafuo nle mmle ɔbla. Kafɔɔ nnwɔɔ Yaa, abafuo lesaa lele ɔbla."

28 Ninfɛ di Petro lakakate aabue ale, "Ni awo mɔ? Nyu, buodie asaa loo amuu buɔte buɔwa butikanko fɔ."

29 Ninfɛ di Yesu lakakate aabue ale, "Nwaa kɔtɔkɔ ye nle bibawɛ asaa ya ninlenkee ni n-ya

biedie biete nii. Diekye otii lele niedie leyo noo εετε, ee babi lema, ee oya, ee ote, ee babi noo, ee kofe, ta ami ku ɔlaa biene nwu oso, ³⁰ aawε asaa nwu anlenkee kolafa noo kaasɔ ka suoto. Abawε ayo ku babi lema ku bayu ku babi ku afe. Kafɔɔ, abawε atikanko. Nni kamaa abawε nkpa be ninnaa ni kaloo di kayi ka fole nimawa ni kamε. ³¹ Kafɔɔ batii kpinwu ba ninle ni katū male bayentele. Bayentele kafɔɔ male bakasale.”

Yesu Lakple Aakakate Dii Tiefa Di Kukpi Noo Suoto.

³² Di obe wɔ baakyε di osuku baatoofe ni Yerusalem okpoo, Yesu lale katū fie basaateketete noo latika. Ditutukū lamufū basaateketete noo, leyεke kafɔɔ lapε batii ba niatikanko ma nii. Yesu lakple aaleε basaateketete noo lefosi banyɔ nwu di ɔlɔɔkɔ aalaatɔkɔ ma lesaa le nimawa nwɔ ni di suoto. ³³ Aatɔkɔ ma ale, “Binu! Buofe Yerusalem leba le babalaayo ami, Otii Obi, mankpee ni di Yaa olebatate ku kufiofa batuote nnεε. Babalo mi lepɔɔ manyɔ mi mankpee di batii ba ninanle ni Yuda batii nnεε, ³⁴ mma kafɔɔ babakpee mi sinunso, mantufa sita mankpete mi, mampe mi ku mpile, manloe. Kafɔɔ di dii tiefa suoto, mataka nsie nkpa.”

Yesu Latuo Asaa Di Selanle Ole Suoto.

³⁵ Ni di Sebedeo babi dile ni Yakobo ku Yohane lawa Yesu nfū baabatɔkɔ nwɔ ale, “Saatuote, buomie bulε bla lesaa ninwii fata wo.”

³⁶ Yesu lakaale ma ale, “Be lesaa dile?”

³⁷ Ni baatɔkɔ nwɔ ale, “Nse fεbasie di lekakpomii lefɔ nwu di Yaa kafa leeklekle kamε, buomie bulε faata wo mumasiε fɔ di ɔlɔɔkɔ.

Onwii loo di oletanεεkyε lefɔ, onwii kafɔɔ di ɔmentukyε lefɔ."

³⁸ Yesu latɔkɔ ma ale, "Bieye lesaa le biɔkaale nii! Biefū bienu bile bibafuo dibuo kakɔkɔε ka ntu manyi ni, onyi? Bibafuo ntu okpeesa amanle ya makpe ni dibuo kamε kaasɔ ka mmle okpe?"

³⁹ Ni baatuna ale, "Bubafuo."

Yesu latɔkɔ ma ale, "εε, bibanyi kakɔkɔε ka ntu be manyi nii, ku ntu okpeesa amanle ya okle makpe nii. ⁴⁰ Kafɔɔ nnaa osuku ndiki otii wɔ nimasiε ni di oletanεεkyε nii ee ɔmentukyε nii. Teemi omu mayɔ anta batii ba atoololaa εετε ni kofokofoko."

⁴¹ Obe wɔ basaateketete nɔɔ lefosi ba niabu ni lanu ni ɔlaa nwu, baanya ɔblɔ di Yakobo ku Yohane suoto. ⁴² Nioso Yesu lalεε bamuu aasiisa aatɔkɔ ma ale, "Aye bamu biye bile abaa banɔɔfotii ninanle ni Yuda batii, nkpe otumi di baatii bamuu kaasɔ suoto. Banɔɔfotii nwu kafɔɔ kotuo suoto maakpee ma. ⁴³ Kafɔɔ bitanta diate nkpo kaame lee. Nse onwii kaame lee komie ale ale ɔnɔɔfo kaame lee yi, ni dikpe ni eele kpɛmblate εεta babule. ⁴⁴ Se onwii kaame lee komie ale ale ɔkasale, ni aale ɔlanle ata batii bamuu. ⁴⁵ Nkpo okle kafɔɔ bia di Otii Obi nwu nkpo diɛwa ale batii katɔɔbla sekpe mantɔɔcɔ ne. Kafɔɔ nnwɔɔ εεwa ale ɔɔbla sekpe anta batii ale aayɔ nkpa nɔɔ kafɔɔ ante kaasɔ andiki batii kpi."

Yesu Latikiti Bartimeo Numbietε Anu.

⁴⁶ Nle semaa Yesu ku basaateketete nɔɔ lalaabuo Yeriko. Baatoodie ni di okpoo nwu kamε, batii kpinwu latikanko ma. Obe wɔ

baakyε ni di osuku, baafe numbiεtε onwii bɔɔlεsεs ni Bartimeo, Timeo obi aale. Aasiε kaasɔ aatɔɔkaale asaa di osukulɔɔkɔ. ⁴⁷ Obe wɔ aanu ale Yesu Nasaret Otii nikofe nii, aayiisa kudu abue ale, "Yesu! Dawid leyo kamε obi! Nyεs nyaami!"

⁴⁸ Batii kpinwu ba niatoofe ni ninfa lasī ɔlaa baatɔɔ ale, adie kudu oyiisa. Kafɔɔ mia aate aayiisa kudu ale, "Dawid leyo kame obi ee! Nyεs nyaami kyu woo!"

⁴⁹ Di Yesu lanu nwɔ ni lεlεsε, ni aayila, ni aabue ale, "Bileε nwɔ biteεsε."

Ninfe baaleε numbiεtε nwu baabue ale, "Ta suoto siyɔɔ fɔ! Taka pla, diekye ɔɔlεsε fɔ."

⁵⁰ Kakuinwu, aafuki awu nɔɔ wua aayu aayefe aalaadu Yesu.

⁵¹ Yesu lakaale nwɔ ale, "Obe foome fale mabla nta fɔ?"

Numbiεtε wɔ mmle latɔkɔ nwɔ ale, "Saatuote, ta anu atikiti mi nintɔɔnya!"

⁵² Ninfe di Yesu latɔkɔ nwɔ ale, "Tɔɔkyε. Ofūonu lεfɔ ntoo diki fɔ." Kakuinwu, anu nɔɔ latikiti aakyako asaa ɔnyα. Ninfe aatikanko Yesu, baasifi bamuu lεma ne.

11

Baafū Yesu Di Yerusalem Fe ɔka.

¹ Di obe wɔ baateεtεsε ni Yerusalem baabadu ni Betfage ku Betania ntεs nwu, baabadu kobokote ko bɔɔlε ni Nnɔnyi Awoso Kobokote. Nfa di Yesu lakyesee basaateketetε nɔɔ banyɔ ale batɔɔsɔ.

² Ninfe aatɔkɔ ma ale, "Se biedu okpoo kasale wɔ bibabuo nii, bibanya bilε beekpee bɔkεsε wɔ

ninte ni fe pɔ̄nkɔ̄ dibi okū di otii kuonwii diisie nwɔ̄ ni di suoto. Bidiki nwɔ̄ di okū, biɛkpaa ni biwakoe. ³ Se otii owo lekaale ye ale, ‘Lε oso biɛkpaa ni?’ Bitɔ̄kɔ̄ nwɔ̄ bile Saate komie ni ɔ̄kpɛ ɔ̄bla ko, abakplesa anwako nunua.”

⁴ Nioso batii ba mmle banyɔ̄ lakyε baalaanya ale beekpee bɔ̄keε wɔ̄ ninte ni fe pɔ̄nkɔ̄ okū beese di osuɔ̄tɔ̄ onwii kayoko di osukulɔ̄okɔ̄. Obe wɔ̄ baatodiki ni ni di okū, ⁵ batii ba banwii niayila ni ninfa lakaale ma ale, “Obe biɔ̄bla, be biodiki lepɔ̄nkɔ̄bi nwu mimblako?” ⁶ Ni baabue fe mmle di Yesu latɔ̄kɔ̄ ma ni ne. Ni baasutɔ̄ nwu kafɔ̄c ladiε ma baasifiko ni ne. ⁷ Obe wɔ̄ baakpaa bɔ̄keε nwu baawako ni Yesu, baadiki abula lεma baatika di bɔ̄keε nwu suoto, ninfe di Yesu layie aasie nwɔ̄ kaamaa ne. ⁸ Batii kpintu lafukuti abula lεma baate di osuku, bawo kafɔ̄c labudi afata di osukulɔ̄okɔ̄ baate die osuku nwu suoto ale anafu afe. ⁹ Batii ba niale ni katū ku mba niatikanko ni sεεmaa latɔ̄taa siwidi ale, “Hosiana!

Di kusekuse ninle nwɔ̄ nikɔ̄wa ni di Saate leyooto
kame!

¹⁰ Bikusekusesa ɔ̄ka Dawid sεka kalekɔ̄ ka
nikɔ̄wa ni!

Biɛtansa Yaa kaatoo!”

¹¹ Aabuo ni Yerusalem, Yesu lakyε Yuda batii Yaa Olekatakɔ̄. Aalaanyunu asaa ya amuu niayila ni ninfa aafenko. Kafɔ̄c ta kale nfe latooloo ni oso, aadie aasifi Betania ku basaateketete noɔ̄ lefosi banyɔ̄ nwu baalaate nfa.

Yesu Lakpaani Kolewoso Kunwii.

¹² Di obe wɔ̄ kaale ntɔ̄ɔse batoodie di Betania bɔ̄cwa nii, kɔ̄ka laklee Yesu.

¹³ Aanya kaakyonkə ale kolewoso kunwii n-yε ku afata kpinwu bɔɔlesekū ni figi kowoso. Nioso aakyε aalaanyu nse kutika abi di osi. Kafɔɔ obe wɔ aadu ni kowoso nwu kalɔ, aanya ale kuotika abi kuanwii. Afata ko niatika. Obe wɔ kubakple kunkpee ni diiwo saa. ¹⁴ Ninfε di Yesu latɔkɔ kowoso nwu ale, “Kuonwii dilaasinkpee lewosobi lεfɔ kaanya diidii!” Basaateketete nɔɔ lanu ale aabue nkpo.

Yesu Lakyε Yaa Olekatakɔ.

¹⁵ Baakyε baalabuo ni Yerusalem, Yesu lakyε Yuda batii Yaa Olekatakɔ ninfe aakyako mba niatodosunsu ni asaa ku mba niatɔɔya ni asaa ninfa ototososa odiki leeyo nwu kamε. Aatutukusa koto babiete siipunu aayu. Aatukusa mba ninsi boosunsu ni ablonumaa kafɔɔ akpomii aayu.

¹⁶ Nioso atatuna ale otii kuonwi atuka lεsalεssaa afenko di Yaa Olekatakɔ anu ninfa. ¹⁷ Ninfε aatuo ma asaa aatɔkɔ ma ale, “Bεekpana di kɔkpana kelekele kukū kamε ale,

‘Baaleε mi leyo ale
ɔlaa ɔpε katakɔ.’

Kafɔɔ aye, bitɔɔyɔ biɛbla bayu kawofakɔ!”

¹⁸ Yaa olebatate banɔɔfo ku kufiofa batuote ba niawε ni ninfa lanu ɔlaa wɔ di Yesu labue nii. Nioso baatoomie osuku wɔ baafe baalo nwɔ nii. Kafɔɔ baatɔɔyεke ta mmle di asaa otuo nɔɔ labla ni ɔkpε oso.

¹⁹ Kɔɔtɔɔfɔ nkpa lawo nii, Yesu ku basaateketete nɔɔ ladie die okpoo nwu kamε.

Yesu Latuo Asaa Di ɔlaa ɔpε ɔta Yaa Ku Ofū Onu.

²⁰ Kaleesə ku kuyitatū, batooyefe osuku boosifi nii, baanya ale kolewoso nwu ntookpi ku sidu nōc kuyę. ²¹ Petro lanyuma lessaa le niawa nii, ninfe aatökə Yesu ale, “Saatuotə, nyu kowoso ko faakpaani ni ntōcocyę!”

²² Yesu latökə ma ale, “Bifū Yaa binu. ²³ Kötə nta ye letoko nlə otii lele nietökə kobokote ko ale kutaka kulabuo dię lekpo kamę, di otu nōc dietii nwō osuku, eefū eenu, dibawa kanya ninkpo nintōc. ²⁴ Nioso kötökə ye nlə, nse bięre əlaa bięta Yaa, lessaa lele biękaale nwō, biefū bienu bilię bibawę, Yaa kafčč mabla anta ye. ²⁵ Se bięwakosa asi kasčč bilię bięre əlaa minta Yaa, bięnya bilię otii owo lębla ye okpile, biyę bikyę nwō mmle dię Teeye kaatoo kafčč kayč sikpile lee ankyę ye ni. ²⁶ Kafčč se bięyę bikyę nwō, Teeye kaatoo kafčč dilębayč sikpile lee akyę ye.”

Batii Lakaale Yesu Ale Fe Die Otumi Nōc Nwu Lekye.

²⁷ Yesu ku basaateketete nōc lakple baakyę Yerusalem. Obe wō di Yesu nkycę ni di Yaa Olekatakə, Yaa olebatate banččfo ku kufiofa batuotę ku okpoo banččfo lakyę əkyę nōc. ²⁸ Ni baakaale nwō ale, “Omensuku fakpe fōčbla asaa ya mmle? Owe kafčč nieta fō osuku nwu nkpo?”

²⁹ Ninfe di Yesu ladiki kanya ale, “Biteę nkaale ye əlaa onwii, nse biediki kanya yi, ni amii matökə ye osuku wō nkpe fię kōbla ni asaa ya mmle nwu nkpo. ³⁰ Bitökə mi, əfe di Yohane lawę osuku fię aatookpeesa batii Yaa ntu? Yaa nfū kuakye εε, sęe batii nfū kuakye?”

³¹ Ninfé baamumufū ɔlaa nwu nimanima baanyu ale, “Be nfé buabue? Nse buobue bule Yaa nfū kuokye yi, abakaale wo ale, ‘Ni be oso bitafū Yohane bianu mō?’ ³² Kafcō nse buobue bule ‘Otii nfū kuokye’ yi!” Bɔɔyekē nwu kafcō obue diekye bamuu lema beefū beenu ale Yohane yi, Yaa ɔlaa buetete aale.

³³ Nioso baatōkō Yesu ale, “Buoye.”

Ninfé di Yesu latōkō ma ale, “Nkpo okle kafcō di amii, namatōkō ye otii wō niestee ni osuku fiɛ kobla ni asaa ya mmle ne.”

12

*Yesu Lape Lekpa Aakyeko Awosobi Ya Man-yɔ
Mambla Ni Nta Kofe Banyute Suoto.*

¹ Ninfé di Yesu lape ma lekpa ale, “Obe onwii, osuɔtō onwii lakpē awosobi ya man-yɔ mambla ni nta kofe. Aakpee kɔba aakyisa kofe nwu. Aakutu dibio di kasɔ nwu ntεe di nfū abatoodiki ni awosobi nwu nta. Aatofo leba le niataka ni kle, baayila mantoonyu ni kofe nwu. Ninfé aayɔ kofe nwu nkpo aakpee di bakpente banwii nnεe kame ale batoonyu, ni aadie aasifi osuku ne. ² Di obe lawo ale baatese ni awosobi nwu, aakpee kpemblate nɔɔ ale, akye aalaafū kalekɔ nɔɔ awako nwɔ. ³ Kafcō kofe nwu banyunte lamufū kpemblate nwu, baare nwɔ, baatososoɔ aasifi nnεe fukiti. ⁴ Nni semaa, kofe saate wɔ mmle lakple aakpee kpemblate bamba. Aakyɛ nii, kofe banyunte ba mmle lape nwɔ baapila nwɔ disi baakpee nwɔ sinunɔ nwaa. ⁵ Osuɔtō wɔ lakple aakpee kpemblate bamba, baalo nwɔ.

Aakple aakpee babamba. Baape bawo, baalo kafco babule.

⁶ “Otii wo niabu aakple ankpee nwɔ ni niale obi nɔɔ wo ambɔmbɔ nii. Lεyεntεle aakple aakpee obi nɔɔ nwu. Ninfε aatɔkɔ suoto ale, ‘Lefu lenu nlε babata obi nii nwu dibu.’ ⁷ Kafco kofe nwu nkpo banyunte latɔkɔ bawo ale, ‘Nnya kofe saate obi wo nimale ni atesaa ninle nwɔ mmle nε. Biwa bieta bulo nwɔ di atesaa nɔɔ nwu nkpo akple wo ale!’ ⁸ Nioso baamufu obi nwu, baalo nwɔ. Baafuki nwɔ baayu die kɔba nwu semaa.”

⁹ Ninfε di Yesu lakaale batii nwu ale, “Le bienyu bile kofe saate nwu mabla? Matɔkɔ ye! Abakyε nfa aanaalo kofe banyunte nwu an-yɔ kofe nɔɔ ankpee baatii bamba nnεε. ¹⁰ N-ye nlε bitɔka di Kɔkpana Klekle kame le beebue ale,

‘Difuɔ le baayotofote lesi nii,

nni nintookple difuɔ le niemufu leyoko dikel
ni nε.

¹¹ Saate niebla lessaa kplε le mmle.

Nioso diebla wo ɔkpε osie kanya.’ ”

¹² Obe wo baanu ni ɔlaa wo mmle, Yuda batii batunletε lamie osie kanya ale boomufu Yesu. Diekye baatofo ale mma oso aape lekpa nwu. Kafco baayekε batii dikudi le niayila ni ninfa. Nioso baadie nwɔ baasifi.

Baakaale Yesu ɔlaa Di Akpooto Ofu Suoto.

¹³ Semaa, baakyese Farisi batii bawo ku Herodes batikankotε bawo baakyε Yesu nfu ale, baalaawolaa nwɔ kaanya di selaa ɔkaale kame.

¹⁴ Baadu nwɔ nii, baatɔkɔ nwɔ ale, “Saatuotε,

buye bulε nwaako ɔlaa fambuε obe lele. Fanyεkε otii, nkpo kafɔɔ fanannyu otii di anu ne. Kafɔɔ fantuo batii bamuu osuku wɔ ninkpaa otii kunsifiko ni Yaa nfū. Nioso tɔkɔ wo se dile ale buata akpooto mutua Roma Batii ɔka Kple Kaesare. Buta εε, butanta?”

¹⁵ Kafɔɔ Yesu lanya kakycɔnkyɔ osuku wɔ suoto baakyε nii, nioso aabue ale, “Be oso biomie bile bikyɔɔ mi okū? Biyɔ koto nwu biwakoe ninnyu.”

¹⁶ Baayɔ koto nwu kunwii baawako nwɔ. Ni aakaale ma ale, “Owe disi ku leyooto nintika?”

Ni baadiki kanya ale, “Kaesare nintika.”

¹⁷ Ninfε di Yesu latɔkɔ ma ale, “Nioso biyɔ lesaa le ninle ni Kaesare lele bitɔɔ. Biyɔ lesaa le ninle ni Yaa lele kafɔɔ bita Yaa.”

Ta nni oso, kanya ditasimbe ma, diekye diabla ma ɔkpε.

Yaa Ninle ɔka Di Batii Ba Nintookpi Ni Suoto.

¹⁸ Ni di Saduki batii ba nimbuε ale nse otii lekpi alaasintaka akye ni bakpi kame lawa Yesu nfū baabakaale nwɔ ɔlaa ne. ¹⁹ Baakaale nwɔ ale, “Saatuotε, Mose lakpana kufiofa ko mmle εετε wo ale, nse osuɔtɔ owo lekpi eedie ɔsɔfɔ εετε, manko nwɔ banaa obi, osuɔtɔ nwu nkpo obilema kayɔ kpisɔfɔ nwu nkpo manlofo babi. Ni babi nwu nkpo, batii manya ma fe osuɔtɔ wɔ ninnaa ni babi. ²⁰ Obe onwii, babilema suɔtɔbi bakuenſi banwii lawε. ɔkasale layɔ ɔsanko aakpi obe wɔ manayilofo ni babi. ²¹ Onyɔɔfa kafɔɔ layɔ nwɔ, nnwɔɔ kafɔɔ aakpi die obe wɔ manko ɔsanko nwu bayilofo ni obi kuonwii. Obilema tiefa kafɔɔ labayɔ ɔsanko nwu, nnwɔɔ kafɔɔ aabafe

aakpi di obe wɔ manayilofo ni obi. ²² Ta nkpo oso bakueñsi lema nwu layɔ ɔsanko wɔ onwii baaloo. Bamuu lema baakpi di obe wɔ batalofo ni obi ku ɔsanko nwu. Yenteyente, ɔsanko nwu kafɔɔ labakpi. ²³ Nimɔ, di dii le baakpi makple mantaka nii, owe lema ɔsɔfɔ di ɔsanko nwu nkpo male di obe wɔ baakuensí lema nwu layɔ nwɔ ni?”

²⁴ Ninfɛ di Yesu ladiki kanya ale, “Diele nkpo dibate saa. Lenya nle bienu ɔlaa wɔ mmle kasɔ, diekye bieye selaa se ninsi ni die Kɔkpana Klekle Kukū kame, ee Yaa osie. ²⁵ Obe wɔ di bakpi mataka nii, babate fe Yaa batɔkyente di osi, nioso sesa ku sesɔfɔ dilabasinwɛ. ²⁶ Kafɔɔ fe bakpi okple ɔtaka ɔlaa, Mose lakpana lesaa di Kɔkpana Klekle Kukū kame aakyeko dibuu le niatoofie ni suoto. Ses biloonyuma? Nfa aakpana ale, Yaa latɔkɔ nwɔ ale, ‘Ami ninle Abraham Yaa, ku Isak Yaa, ku Yakob Yaa ne.’ ²⁷ Nle mmle kotuo ale, nnwɔɔ ninle batii ba ninkpe ni nkpa Yaa, diele bakpi Yaa ale. Katɔkɔ ye nii, aye bietε bieyu!”

Kɔmenfiofa Ninle Kufinle?

²⁸ Ni die kufiofa tuote onwii layila ninfa aanu ɔlaa wɔ baatoobue nii. Ni aanu ale Yesu lalolaa ɔlaa nwu kanya aadiki nwaa. Ninfɛ aatεεte Yesu aakaale nwɔ ale, “Kɔmenfiofa ninle kufinle di afiofa nwu amuu kamɛ?”

²⁹ Ninfɛ di Yesu latɔkɔ nwɔ ale, “Kufiofa ko niefi kulenke ni amuu ninle, ‘O Israel batii, bilolaa binu! Saate Yaa onwii ko ale, lete nɔɔ kafɔɔ ko ninkpe ne. ³⁰ Nioso dikpe nii fεεbɔmbɔ Saate lefɔ Yaa, ku otu lefɔ omuu, ku ninwuna lefɔ nimuu, ku disibu lefɔ nimmuu, ku osie

lefə omuu.' ³¹ Kufiofa ko niekple kutikanko ni nko ninle ale, 'Bəmbə owo lefə fe mmle okle fambəmbə ni suoto.' Kufiofa kukunwii nsinnaa kulenke ni n-ya mmle."

³² Ninfə di kufiofa tuote nwu ladiki kanya ale, "Saatuotə, feekakate nwaa! Nwaa dile fe mmle feebue ni ale, Saate lete ninle Yaa, ni Yaa bamba kuonwii nsinnaa dilenkee ni nnwaa.

³³ Nioso dikpe ni otii lebəmbə Yaa ku otu cən omuu ku disibu nimuu ku osie cən omuu. Dikpe ni kafəcə, ambəmbə owo cən fe mmle okle ambəmbə ni suoto nəcə. Dilə ale otii katikanko afiofa ya mmle anlenkee ale cəc babəkəsə ku oleota ale əcta Yaa."

³⁴ Dię Yesu lanya osuku biene wə di osučo wə mmle ladiki ni kanya, ni aatəkə nwə ale, "Faakyō di Yaa kafa nwu saa." Nni kamaa, kuonwii ditasinkpee otu aakaale Yesu əlaa kuonwii.

Owe Ninle Otii Wə Bεερε Ni Əfəc?

³⁵ Obe wə di Yesu latootuo ni əlaa biene nwu di Yuda batii Yaa Olekatakə, aakaale əlaa ale, "Lə diawa fię kuufiofa batuote labue ale Kristo wə bεερε ni əfəcə, Dawid leyo kame obi ale? ³⁶ Dawid nwu omu, Ninwuna Klekle niakpaa nwə ni abue ale,

'Yaa latəkə Saate nii ale,

"Się di oletanęekyę nii,
dilaase di, obe wə fabatakatesa nkpa
fantika ni di balo lefə suoto."

³⁷ Obe wə di Dawid omu laleę Kristo nwə bεερε ni əfəcə ale Saate nii, lə nfə di Kristo nwu, makple anle nwə obi?"

Batii kpinwu layila ninfa ku suoto leyəcə baatoonu səlaa se di Yesu layila aatoobue nii.

Yesu Lasī Ọlaa Aata Kufiofa Batuotε.

³⁸ Di Yesu latootuo ni batii nwu asaa, aatoko ma ale, "Bilolaa binyu di kufiofa batuotε suoto. Manklee asaa kple mantookiyikyii akpaka mmle baatii kasεesa ma ni ku dibu. ³⁹ Mammie ale boosie die banɔɔfotii nsiekɔ di bawokaleekɔ ku asaa kalekɔ di siipunu kple ntū. ⁴⁰ Mantafaa bakpisɔfɔ kafɔɔ manfū ma asaa amuu ninnεe. Mambla fe bale baatii anu, manklesa ɔlaa ɔre ɔta Yaa di akpaka. Letoko nanfi lεma mapɔ ninlenkee batii bamuu ale!"

Kpisɔfɔ Piite Onwii Lata Lesaa.

⁴¹ Yesu lakyε aalaasisε di Yaa Olekatakɔ nwu ninfū manta ni asaa, aatoonyu mmle di batii kofe mankpee ni ato di asaa ɔta lekpeesa kame. Basaawente kpinwu lata ato kple ale bootuo suoto. ⁴² Kafɔɔ kpisɔfɔ piite onwii labafe aalaakpee mple nnyɔ.

⁴³ Ni di Yesu laleε basaateketete nɔɔ aasiisa aatoko ma ale, "Nwaako kɔte ntɔko ye nle, kpisɔfɔ piite wɔ mmle nieta koto alenke di batii ba bamuu nieta ni koto kame. ⁴⁴ Diekye batii ba bamuu nieta ni asaa, di lesaawε lεma kame nle ninle ma ni bεεyɔ bεεbata. Kafɔɔ osanko wɔ mmle di dipii nɔɔ kame, lesaa le ninkpe nwɔ aale ansie ni nkpa nimuu εεyɔ εεbata ne."

13

Yesu Lakakate Aakyeko Yaa Leyo Nwu Obie Suoto Di Yerusalem.

¹ Obe wɔ di Yesu ladie ni di Yuda batii Yaa Olekatakɔ oosifi nii, basaateketete nɔɔ onwii latoko nwɔ ale, "Saatuotε, nyu afuɔ nwaa ya

beεeyo beetofo ni ayo ya kple ku mmle beetofo nya ni. Diεle onyu lo!"

² Yesu latokɔ nwɔ ale, "Lolaa ayo biene ya mmle fanyu nwaa, diekye afuɔ ya mmle kuninwii dilɔɔbabu ditika leewo suoto ale blɔbabie nya bakpakpaa bawil!"

*Yesu Latɔkɔ Batikankote Nɔɔ Ale Babawɛ
Amiina Ku Dibuo.*

³ Di obe wɔ di Yesu lasifi aalaasiɛ ni di Nnɔnyi Awoso Kobokote suoto yi, nfa aanyu Yaa Olekatakɔ nwu di osuku kakye nyɔɔfa. Ninfe di Petro ku Yakobo ku Yohane ku Andrea lawa ɔkye nɔɔ buue baabakaale nwɔ ale, ⁴ "Saate, tɔkɔ wo, ɔmembe di nle mmle mawa? Be nimale dituosa le bubayo muntofo bule, obe nwu ntoowo ni?"

⁵ Ninfe di Yesu latokɔ ma ale, "Bilolaa binyu nwaa ale otii kuonwii lakyɔnkyɔ ye. ⁶ Batii kpинwu mayɔ leyooto nii manwa ɔkye lee, matɔkɔ ye ale, 'Ami dile,' man-yɔ mankyɔnkyɔ batii kpинwu. ⁷ Bitanta diabla ye ɔkpɛ se bienu kakpe kudu di ɔlɔkɔ lee ee kakyonkɔ. Dikpe ni asaa ya mmle okle lewa. Kafɔɔ dietuo ale kayi kalookɔ ntoowo. ⁸ Nnle mataka baawo suoto, sekɔ nlekɔ kafɔɔ mataka baawo suoto. Nsɔ matukū di aba aba. Aka siene kafɔɔ makpe di aba aba. Asaa ya mmle nte fe mmle leseme nkye kasɔ nintoonu ni melakate nintɔtɛ nii.

⁹ "Dikpe nii, bielolaa bienyu. Babamufu ye mansifiko nkankɔ. Babare ye di Yuda batii bawo nsisakɔ. Ta ami oso, bibayila di baka ku batunletɛ anu, mintɔkɔ ma Yaa ɔlaa biene nwu nkpo. ¹⁰ Kafɔɔ fie di kayi kaloo mawa nii, dikpe nii beebue Yaa ɔlaa biene nwu beεetɔkɔ

batii bamuu kaayi. **11** Di obe wɔ babamufū ye mansifiko ni kakankɔ, bitambu diisi di ɔlaa wɔ biofe ni obue olesakatū. Se obe nwu lewo, biebuε ɔlaa lele di Yaa Ninwuna Klekle mata ye ni. Diekye diele aye bamu ɔlaa bibabue. Ninwuna Klekle nimata ye ɔlaa wɔ bibabue nii.

12 "Batii mayɔ babilema manta ale balo. Balofote kafɔɔ mabla nkpo di babi lεma suoto. Babi mataka di balofote lεma suoto ale balo ma. **13** Batii bamuu makyidi ye ta ami oso. Kafɔɔ otii wɔ niekpee otu εεlaase ni kaayenteleko, kamawε nkpa be ninnaa ni kaloo.

Yesu Lakple Aabue Ale, Dibuo Mawa Die Obe Nwu Kame Di Aye Ba Nintikankoe Ni Suoto.

14 "Binu ɔlaa wɔ matɔkɔye ni nwaa obebe biɛnya abusufɔɔsaa yekεle n-yε di leba le ninankaate ale aayila nii, ni biɛta batii ba ninkpe ni di Yudia batoso basifi abokote osi balaawofa. **15** Otii wɔ kafɔɔ nintika ni di leyo nɔɔ osi, atantɔkɔ ale oosoo anwa amayɔ lεsalesa nɔɔ leeyo kame ansifiko. **16** Otii wɔ ninkpe ni koofe, atasinkple aatɔkɔ ale ooyie ammayɔ akleesaa nɔɔ leeyo. **17** Di obe nwu nkpo kame, dibate ninwε osie ninta basanko ba ninlaka ni amε ku mba nikɔta babi nyεεfu nii. **18** Biri ɔlaa bita Yaa bile, obe nwu kutanwa di lεwɔɔfɔ obe! **19** Diekye dibuo le nimawa ni die obe nwu kame malenkee nle okle nintɔwa diεbase ni di die mie dii le mmle. Dibuo le mmle okle kafɔɔ dilabasinwa diidii. **20** Kafɔɔ Saate lεkɔkɔlε ayi nwu nkpo. Se diele nkpo εεbla se otii kuonwii dilababu. Kafɔɔ ta batti nɔɔ ba eediki εεta ni suoto oso, εεkɔkɔlε ayi nwu.

21 “Nioso se otii owo lətəkə fō ale, ‘Nyu! Nnya Kristo ninfū!’ ee ‘Nyoo ninfa!', tanfū nwō faanu!

22 Diekye batii mataka manlaa mambue ale mma ninle Kristo nwu nkpo, bawo kafōo mabue ale Yaa ɔlaa babuetete bale. Bababla sekpe se niεbla ni sekpe ku atuosaa ate ate mantuo ale, nse diale yi, baayō mankyonkyō bia batii ba di Yaa lediki eese ni lete. **23** Nioso bilolaa binyu! Nkpo oso ntoole katū lətəkə ye selaa se mmle simuu fie di obe nwu mawo ne.

Otii Obi Nwu Makple Anwa.

24 “Ayi ya nimawa ni diibuo nwu semaa,
‘Kufī mata ditunu,
kōwente kafōo dilabapu.

25 Awəntlebi kafōo makpa ankye osi,
osi asaa kafōo matididi di aba ya atika nii.’

26 “Nni kamaa batii manya Otii Obi nwu makycō di alokonkye kame ɔowa ku osie kple di leklekle kame. **27** Abakyesee Yaa batōkyentē kaayi ka mmle nkyakakō nwu nkpo nna, mansisa batii nōo ba eediki ni mankyeko kaasō disi le diɛlase ni diisi le.

Lesaa Tekete Di Kolewoso Suoto.

28 “Bitekete lesaa bikyeko kolewoso suoto. Nse kuodie selamii fōle kuodie atoto kuokpee afata fōle kamaa, bietofo bile kanto ɔnɔo bee nfé kowo.

29 Nkpo kafōo se nfé diɛwa ale asaa ya lətəkə ye ni nfé kōkyōo, ni bietofo bile ni kayi kalookō nfé kōtεetεs katoodu ni kayokontū lεfō tintī! **30** Nwaa kōta ye mintofo nlé asaa ya mmle amuu mawa fie di kale lee batii bamuu maloo okpi. **31** Osi ku

kasə kamuu mafe, kafəo əlaa nii nnwu, kulabafe diidii.

³² “Otii kuonwii dieye dii nwu nkpo ku obe wə kamə dibale nii. Yaa batəkyentə ba ninkpe ni di osi dieye. Bia Obi nwu nkpo omu dieye, Ote lete ninnye. ³³ Bilolaa binyu, biəta anu lee ate kesekese, ta bieye dii le die obe nwu mawo nii. ³⁴ Ote di bate fe mmle die otii ndie ni di okpoo nɔɔ ale ɔɔkye ni osuku, andie ni bakpəmblatə nɔɔ leeyo. Aata obiala ɔkpə wə abatəɔbla nii. Nni kamaa, aatəkə otii wə nikonyu nwə ni ayo kayoko kple ale alolaa kayoko anyu nwaa.

³⁵ “Ta nninkpo oso ayee bilolaa suoto. Diekye bieye obe wə die Saate lee mawa ammabuo nii. Diafuo ole ale kakū, ee nkyentəε, ee obe wə die bakɔɔkə mbo nii, ee oyita. ³⁶ Se loo eefua εewa, mmle ninamate ale εεbatū ye bisi biɔkyɔsii nii. ³⁷ Lesaa le kɔtɔkɔ ye ni ninfū, nni nwu ko nkle kɔtɔkɔ batii bamuu ne. Nni oso kafəo bialolaa suoto ne.”

14

Yuda Batii Ku Yaa Olebatate Lakpee Asi Baawo Ale Boolo Yesu.

¹ Ditoobu ayi anyɔ fie di Yuda batii male ni ayi ləma ya manləε ni Okpi Diisi Ofe Dii ku Bloblo wə Ninantaka Ni Olebee, man-yɔ mannyuma ni odie ləma di Egipte. Olebatate banɔɔfo ku kufiofa batuotə lawə ninfa baatoomie osuku wə baawofa mamufū Yesu manlo nii. ² Ni baabue baatəkɔ bawo ale, “Ditanwa ale buɔbla lesaa le mmle di ayi ya buole ni kamə. Se diele nkpo, batii manya ɔbłɔ mantaka wo di suoto.”

*Osanko Onwii Lafifia Yesu Nnonyi Konokekno
Diisi Die Betania.*

³ Yesu lawe di Betania okpoo die Simon wə niafie ni ofie seele leyo. Əbe wə di Yesu lasie aatoole ni alesaa, ɔsanko onwii lawa nfa. Aaklee difuɔ kylɔkylɔ lebo ninwii di nnonyi konokekno be niefū ni kɔya osie kanya lasie ni kaame. ɔsanko wə mmle latikiti lebo nwu aanyeeenɛ nnonyi nwu aakpete di Yesu disi.

⁴ Lesaa nwu lafie batii ba niayila ni ninfa bawo ɔbli diata baabue ale, “Be lesaa oso εεlalaasa nnonyi be mmle, nkpo okle? ⁵ Aafuo ɔyɔ osunsū anwe lεes nɔɔ ɔkpe koto an-yɔ anta bapiite.” Ta nnle mmle oso, baasi ɔlaa baatɔɔ ninfa osie kanya.

⁶ Kafɔɔ Yesu latɔkɔ ma ale, “Bidie nwɔ! Be oso biokpee ɔsanko wə mmle kubue? Lesaa biene ninle nle mmle εεbla εεtεe nii ne. ⁷ Bapiite nsi ye kaame obe lele. Obe lele mimbo biafuo ma ɔkyakaako. Kafɔɔ ami, diele obe lele kamawe ye kaame. ⁸ ɔsanko wə lεbla lesaa le aafuo ni ɔbla. εεyɔ nnonyi konokekno be mmle eekpete mi, oololaa mi anta okookaa bee nii. ⁹ Nwaako kɔtɔkɔ ye nle, kakɔ lele beeyie ɔlaa biene wə mmle lεkyia di kayi ka mmle kame yi, lesaa le di ɔsanko wə mmle lεbla nii, bababue nwu man-yɔ mannyuma nwɔ.”

Yuda Latuna Ale Oodiki Yesu Anta.

¹⁰ Ninfe di Yuda Iskariot, dile ni Yesu basaateketete onwii lεma, lakyε olebatate banɔɔfo nfū aalaatɔkɔ ma ale abadiki Yesu anta ma ne. ¹¹ Suoto layɔɔ ma nwaa die ɔlaa wə aabatɔkɔ ma ni oso, mma kafɔɔ baabue

ale babatōc koto. Nioso Yuda nfε lawε ninfa aatoomie osuku wō suoto abafe andiki Yesu anta ma nii.

Yesu Ku Basaateketete Nōc Lale Okpi Diisi Ofe Alesaa Leyentele.

¹² Die Bloblo wō Ninantaka ni Dii ole kamε, di dii kasale le suoto manlo ni Okpi Diisi Ofe lefosobi, Yesu basaateketete nōc lakaalε nwō ale, “Ofe foomie fale bulaawa Okpi Diisi Ofe Dii ole alesaa nwu buta fō?”

¹³ Ninfε di Yesu ladiki banyo kaamε lema aatōkō ma ale, “Bikyε okpoo, osuɔtō on-wii mawa amakyakako ye atuka ntu dibukii. Bitikanko nwō bielaabuo leyo le kame ababuo ni. ¹⁴ Biɛkaalε leyo nwu saate bile, ‘Saatuotε ale bukaalε fō nii, lɛmɛnyo kame di ami ku basaateketete nii, bubasie munle Okpi Diisi Ofe alesaa?’ ¹⁵ Abatuo ye leyo dibinte ninwii beetofo beetika ni di osi, nfū beelolaa, beese ni asiesaa. Biwa mmie dii nwu alesaa ninfa bita wo.”

¹⁶ Basaateketete ba ladie baasifi okpoo nwu, baalaanya lesaa biala fε mmle di Yesu latōkō ma ni. Ni baawa Okpi Diisi Ofe alesaa nwu ninfa baase ne.

¹⁷ Obe wō di kɔtɔcfō lawo nii, Yesu ku basaateketete nōc nwu lefosi banyo lasifi baalaabuo nfa. ¹⁸ Obe wō nfε baasie baatoole ni alesaa di opunu katū, Yesu labue ale, “Nwaako kɔtɔkō ye nle otii onwii kaamε lee madiki mi anta, nū busi buole alesaa mmle.”

¹⁹ Olaa nwu lata ma disibu, ninfε baatōckaale nwō onwii onwii ale, “Nwaa, n-ye nle diele ami falaka, sεε ami dile?”

20 Yesu latok̄ ma ale, “Onwii leefosi banyo lee kam̄ dile. Munko nwɔ niekpee kɔnɛs kaasɛfɛ ninfū ne. **21** Ami, Otii Obi nwu nkpo, makpi fɛ mmle okle di Kokpana Klekle Kukū labue nii. Kafɔɔ otii wɔ nimadiki ami, Otii Obi nwu nkpo, anta nii, aycɔsa. Nse bia batanlofo nwɔ, nse dile nwɔ dilenke!”

Saate Loo Opunu Katū Alesaa Nyentele Ole.

22 Di obe wɔ di Yesu ku basaateketete nɔɔ nsi boole ni alesaa yi, ni aayɔ bloblo ne. Ni aapɛ Yaa sefa, aafee nwɔ, aayɔ aata basaateketete nɔɔ, aatok̄ ma ale, “Bifū bile. Nle mmle ninle suoto nii sina ne.”

23 Ninfɛ aayɔ opū, ni aapɛ Yaa sefa, aayɔ aata bamuu lema baanyi.

24 Ninfɛ aatok̄ ma ale, “Nle mmle ninle ntɔ nii be bɛeyo beese ni kaanya di Yaa kanya ninii le eenii ni ku batii ne. Beewii mi kaasɔ di batii kpinwu disi. **25** Nwaako kɔtɔkɔ ye nle, noosinwa nta be mmle onyi dielase di dii le makple nyi ni nta fɔle die Yaa sek̄a kalekɔ.”

26 Ninfɛ baasa onu onwii baatansa Yaa, ni baadie baasifi Nnɔnyi Awoso Kobokote suoto ne.

Yesu Labue Aate Ale Petro Mabe Ḷnyasie Di Suoto Nɔɔ Ale Aaye Nwɔ.

27 Nfa di Yesu latok̄ basaateketete nɔɔ ale, “Bamuu lee bibatoso mindie mi. Diekye Kokpana Klekle Kukū labue ale,
‘Yaa malo bafosokpate nwu nkpo
se bafoso nwu bamuu ntɔɔsamii.’

28 Kafɔɔ nse beekple bɛesenkɛsɛ bɛewako nkpa kam̄ yi, male ye katū nsifi Galilea.”

29 Ninfé di Petro latókó Yesu ale, “Minté bawo nii bamuu matoso mandié fo yi, ami diidii namatoso ndié fo!”

30 Ni di Yesu latókó Petro ale, “Kota fo fantofo nwaa nle mie kakye fie di kóókó mabo ni sényc afó omu fababue sitié simu fale faaye mi.”

31 Petro lakple aatókó nwá osie kanya aalenkee lekasale ale, “Nse bia olo ale booloe munko fo yi, diidii namabue nle ninye fo.” Basaateketete bule bamuu kafóó labue nkpo.

Yesu Lape ɔlaa Aata Yaa Di Leba Le Boolee Ni Getsemane.

32 Nni kamaa baalaadu leba le boolee ni Getsemane. Ni di Yesu latókó basaateketete nco ale, “Bisié ninfú ninaape ɔlaa nta Yaa.” **33** Ni aakpaa Petro ku Yakobo ku Yohane aasifiko ne. Otu latóope nwá, aakyako otütükü kpakpa. **34** Ni aatókó ma ale, “Konu dibuo di otu nii kamé osie kanya fele kukpi ninkle mi. Aye bisié ninfú bietoonyu.”

35 Aakyé ni sitú këeké, aapé akunkyi, ni aafusa anu kaasó aatikiti Ote lekoto ale, “Se diale, ni, dibuo obe wó mmle dife mi.” **36** Ni aabue ale, “Teete nii! Fanfuo asaa amuu ɔbla. Se feetuna, faatekete dibuo opú wó mmle di suoto nii. Kafóó tambla nle ninlé mi nii, bla dibiesaa lefo.”

37 Ninfé aakple aawa basaateketete nco batie nwú nfú, aabatú ma boókyosíi. Ni aatókó Petro ale, “Simon, sekýosí bikle? Ni bilaafuo osié otoonyunkoe lebombo ninwii pε?” **38** Ni aakple aatókó ma ale, “Bita anu lee ate kesekese biépē ɔlaa bita Yaa mmle minaabuo ni dié ɔsó onyu

kamε. Ninwuna komie ɔbla, kafɔɔ suoto sina nnaa osie.”

³⁹ Aakple aasifi aalaape ɔlaa aata Yaa fe mmle aabue ni lɛkasale. ⁴⁰ Obe wɔ aakple aawa ni basaateketete noɔ nwu nkpo nfū, aabanya ma baatɔɔkyɔsii, batafuo bia anu otikiti. Nioso batafuo ɔlaa kuonwii obue ɔtɔkɔ Yesu.

⁴¹ Aakple aawa ni ditiefa, aakaale ma ale, “Sekyɔsī biɔkyɔsī minte ɔnyee nkpo ne? Nfe dile! Obe ntoowo! Batɔɔyo ami, Otii Obi nwu, beekpee die bakpileblate nnɛɛ kamε. Binyu, nfe bakye die osuku bɔɔwa. ⁴² Bitaka buɔlaakyakako ma. Binyu! Otii wɔ niediki mi εeta ni nleko ma katū.”

Baamufū Yesu.

⁴³ Yesu lakple aayila aatɔɔkakate ko ma fie di Yuda wɔ ninle ni lefosi batii banyɔ nwu nkpo onwii lɛma lawa. Batii dikudi le di olebatate banɔɔfo ku kufiofa batuote ku okpoo banɔɔfo ladiki ni latikanko nwɔ baatɔɔwa. Baaklee nwosoku ku mpamii.

⁴⁴ Otii wɔ niadiki Yesu aata ni latɔkɔ ma aate ale, “Otii wɔ kamaminiko mbla ni atuu yi, nnwɔɔ ninle nwɔ biowolaa ni ne. Biemufū nwɔ, biɛkpaa nwɔ bisifiko, biɛta anu lee atika nwɔ di suoto.” ⁴⁵ Obe wɔ die Yuda labadu ni nfa, ni aakpukuti aateɛte Yesu, aalee nwɔ ale, “Saatuote!” Ni aaminiko nwɔ aabla nwɔ aattuu ne. ⁴⁶ Ninfɛ baamufū Yesu ne, baakle nwɔ kpinkpī. ⁴⁷ Kafɔɔ batii ba niayila ni di Yesu ɔlɔɔkɔ onwii lɛma ladiki kapamii noɔ aasafo Oletate Nɔɔfo kpɛmblate onwii kotoko aakpa ne.

⁴⁸ Ninfɛ di Yesu latɔkɔ ma ale, “Be oso di mpamii ku nwosoku bikle biɛwa mi omufū fele

kpileblate nōcfo nle? ⁴⁹ Lasiε di Yaa Olekatakō nwu nkpo dii biala latootuo batii asaa, kafōo bitatōkō bile biomufū mi. Kafōo fe mmle di Yaa Kōkpana Klekle lebue nii, dikpe nii, ninwa kaanya.” ⁵⁰ Ninfe die basaateketete nōc bamuu latoso baadie nwō ne.

⁵¹ Di obe wō mmle kame, okosopo onwii lakpa kabulee fututu lete aatikanko Yesu aatoonyu ḥsaabla nwu omuu. Basaanyunte nwu lamiε ale boomufū okosopo nwu. Kafōo kabulee fututu nōc nwu ko baafuo ḥwe. Diekye aasikitisa suoto, ⁵² aadie ma ninneε. Ninfe aatoso aasifi ku lekyōtō ne. Aadieko ma kabulee nōc nwu.

Yesu Layila Die Yuda Batii Banōcfo Anu Kaakankō.

⁵³ Ninfe baakpaa Yesu baasifiko Oletate Nōcfo leyo ne. Nfa die Yaa olebatate ku okpoo banōcfo ku kufiofa batuote lasi ne. ⁵⁴ Petro latikanko nwō seεmaa fanfa aalaabuo Yaa Oletate Nōcfo nwu leyo kaflonkō di bawo kaleεkō. Aalaasis di asaa banyunte ɔlōkō, aatcōwāfō cō.

⁵⁵ Olebatate banōcfo ku bakante nwu nkpo niawε ni ninfa bamuu lamiε ale boobudi kanya mantika di Yesu suoto mmle baafuo nwō ni olo. Kafōo batawε ɔlaa kuonwii di suoto nōc. ⁵⁶ Batii kpinwu lababue selaa baatika nwō di suoto kafōo nnya lēma ditabla kanwii.

⁵⁷ Batii bawo kafōo labayila baalaa selaa kua-funu baatika di Yesu suoto ale, ⁵⁸ “Buanu aabue ale, ‘Mabiε Yaa Olekatakō ka mmle bεeyō nneε beetofo nii. Die ayi atie kamaa, makple ntofo lebamba ninanle batii nietofo nii.’ ” ⁵⁹ Batii ba mmle kafōo, nnya lēma ditabla kanwii di selaa se baabue ni di suoto nōc.

60 Ninf  di Oletate N  fo lataka aayila siit  lema aakaale Yesu ale, "Feenu  laa w  bee ue ni di suoto lef ?  menlaa ninkpe f  fambu ?" **61** Kaf  Yesu lamaasa kanya atabue  laa kuonwii.

Yaa Oletate N  fo nwu lakple aakaale Yesu ale, "Af  ninle Kristo nwu di Yaa lepe ni  f c  ale ni Yaa Klekle Obi ne?"

62 Yesu lat k  nw  ale, "Ami ne. Diesy  di nua diesifi nii, bibanya Otii Obi nwu nkpo nsi di Yaa w  ninlenke ni oletane kye. Bibany k  kaf  eekye osi  c wa di alokonkye kam !"

63 Ninfa nwu, Yaa Oletate N  fo niab  awu n  ku  b lo aabue ale, "Fale ob e ye? Diesinf  ale otii kuonwii kayila  laa owo kamaa! **64** Bienu mbusuo  laa w  eebue ni di Yaa suoto?  menlaa ninkpe ye mimbue?"

Ni bamuu lema baabue ale, eekpi lep o, dikpe nii beelo nw . **65** Batii bawo kaame lema lakyako sita otufa okpete Yesu. Baanii nw  anu, baakyako nw   pe ku nn   lema. Ni baat t k  nw  ale, "Faye ni lesaa biala, t k  wo otii w  nie e f  ni!" Ninf  di basaanyunte nwu kaf  lakpaa nw  baalaap  ne.

Petro Las  Ale Aaye Yesu.

66 Di obe nwu kame Petro lakple aawe di bawo kal  k  nwu fie di Yaa Oletate N  fo kp  mbl te sankobi n   onwii lawa nfa. **67** Obe w  aanya ale Petro nsi  c w f  ni  t , ni aakyako nw  onyu tuw i aat k  nw  ale, "Af  faatikanko Yesu Nasaret Otii nwu!"

68 Ninf  di Petro lab   nyasie aabue ale, "Obe ye? Ami noonu  laa w  foobue ni ninf  kas !"

Ninfe aataka aadie di kayoko nε. Nfanwu aadu ni kayoko, kɔɔkɔ niabo.

⁶⁹ Okpeele wɔ mmle lakple aabanya Petro ninfa, ni aakple aatɔɔtɔkɔ batii ba niayila ni ninfa ale, "Onwii lema ale!" ⁷⁰ Kafɔɔ Petro lakple abe ɔnyasie.

Ditale obe fie die batii ba niayila ni ninfa latɔkɔ nwɔ ale, "Flafuo ɔnyasie obe fale diele onwii lema fale diekye afɔɔ Galilea kasɔ feekye."

⁷¹ Ninfe di Petro labue ale, "Leka nle nwaako kobue! Yaa ananfi mi kootoko nse ɔlaa kɔlaa! Ninye osuɔtɔ wɔ mmle ɔlaa biobue nii!"

⁷² Nfanwu kɔɔkɔ niabo lenyɔɔfa, ninfe di Petro lanyuma mmle di Yesu latɔkɔ nwɔ ale, "Fie di kɔɔkɔ mabo ni senyɔ, fababue sitie fale faaye mi." Obe wɔ diabudi nwɔ nii, aawi kaku.

15

Baakpaa Yesu Baasifi Ko Pilato Abaa ɔnɔɔfo ɔkye.

¹ Dii nwu kuyitatū Yaa olebatate lakyakako okpoo banɔɔfo ku kufiofa batuotε kue bakante bamuu. Obe wɔ batoosie beeбу ni ɔlaa nwu disi ku mmle baabla ko nwɔ ni ɔkpe, baanii Yesu baakpaa nwɔ baasifiko Roma abaa ɔnɔɔfo wɔ bɔɔlɛɛ ni Pilato ɔkye.

² Nfa die Pilato lakaalε Yesu ale, "Afɔ ninle Yuda batii ɔka nwu nε?"

Ninfe di Yesu ladiki kanya ale, "Nnwu fatoobue nε."

³ Yaa olebatate nwu layɔ selaa kpинwu baatiika di Yesu suoto. ⁴ Nioso Pilato lakple aakaale nwɔ

ale, "Floobue əlaa kuonwii? Kyɔɔ atoko faanu selaa se boobue fo ni di suoto!"

⁵ Kafɔɔ Yesu ditabε kanya, nioso diabla Pilato ɔkpε!

Baalo Yesu Lepɔɔ Ale Aakpi.

⁶ Di Okpi Diisi Ofe Dii ole biala yi, Pilato ndie Yuda batii leyo batente lele, baatii nwu lɛkaale ni anta ma. ⁷ Di obe nwu kame, baamufū osuɔtɔ onwii bɔɔlɛɛ ni Baraba baalaate leeyo ku batii nɔɔ. Ta kudu lema okpee ku batii olo di obe wɔ baataka baayila ni di Roma batii ɔka suoto. ⁸ Obe wɔ baatii labasi nii, baanyumasa Pilato leyo batente ba andie antɔɔta ma ni obe lele di dii nwu ole kame.

⁹ Ni aakaale ma ale, "Biomie bilε ndie Yuda Batii ɔka nwu nta ye?" ¹⁰ Pilato lakaale ma nkpo ta aatofo ale onunsɛɛ kanya oso di Yaa olebatate nwu lakpaa Yesu baawako nwɔ. ¹¹ Kafɔɔ Yaa olebatate nwu lamunikiisa batii dikudi nwu disibu mmle die Pilato kadie Baraba bonwu anta ma nii.

¹² Pilato lakple aakaalε batii dikudi nwu ale, "Obe biomie bilε mbla otii wɔ biɔlɛɛ ni Yuda batii ɔka nwu ninfū?"

¹³ Ninfε baayiisa kudu baatɔkɔ nwɔ ale, "Pe nwɔ sibue fakaasa koowoso suoto!"

¹⁴ Kafɔɔ Pilato lakple aakaalε ma ale, "ɔmenkpile εεbla fie?"

Kafɔɔ mia nfe baakple baatɔofaa osie kanya baatoobue ale, "Pe nwɔ sibue fakaasa koowoso suoto!"

¹⁵ Ta Pilato komie ale suoto siyɔɔ ma ni oso, aadiɛ Baraba aata ma. Ni aata baape Yesu nwaa

ku mpile, ni aayɔ nwɔ aakpee ma ninnɛe ale balaape nwɔ sibue bakaasa koowoso suoto ne.

Bakpete Nwu Lakpee Yesu Sinunsɔ.

¹⁶ Bakpete nwu lakpaa Yesu baasifiko Roma batii abaa bançɔfo leyo die bawo kaleekɔ, ni baalee bakpete bule ale bawa ne. ¹⁷ Ninfɛ baayɔ awu sɛele ya niefū ni kɔya wua baakpa nwɔ fe ɔka, ni baabla sekansi lækakoto baatüküsɔɔ ne. ¹⁸ Ni baayila baatookpee nwɔ sinunsɔ ale, "Yii yiiduu! Yuda batii ɔka, asie nkpa akle!" ¹⁹ Baayɔ kawesee baatɔɔre nwɔ diisi, baatufa sita baakpete nwɔ di suoto. Ninfɛ baare akunkyi kaatū nɔɔ baawakosa asi kasɔ baatɔɔ. ²⁰ Obe wɔ batooloo nwɔ ni ɔma, baadiki nwɔ awu sɛele nwɔ di suoto baakplesa awu nɔɔ baakpee nwɔ. Ninfɛ baakpaa nwɔ baasifiko ale bɔɔlaare nwɔ sibue mankaasa koowoso suoto ne.

Baakaasa Yesu Koowoso Suoto.

²¹ Obe wɔ baatoofe nii, baakyakako osuɔtɔ onwii bɔɔlɛe ni Simon, aakye kakpayotū kanwii ɔɔwa Yerusalem. Ninfɛ di bakpete nwu nkpo layila nwɔ di suoto ale afū Yesu kowoso nwu nkpo atuka ne. Simon nwu lakte Kireni kasɔ. Babi nɔɔ kafɔɔ niale Aleksandro ku Rufo. ²² Ni baakpaa Yesu baalaadu leba le manlɛe ni Golgota lɛɛsɔdiki ninle ni ale Otii Disi Dikufi. ²³ Nfa baayɔ nta be bɛɛkprɔtɔsa ni ku kɔfa lonle nimata ale ɔɔlɔbanu ni dibuo baatɔɔ ale anyi, kafɔɔ Yesu ditanyi. ²⁴ Ninfɛ di bakpete nwu nkpo lape nwɔ sibue baakaasa koowoso suoto ne. Nni kamaa, baayɔ awu nɔɔ baase bawo di obe wɔ baawii ni atrebi baatofo n-ya di obiala lɛma kayɔ nii.

25 Baape Yesu sibue baakaasa koowoso suoto ku oyita elomu enaasi. **26** Baape kataaboo kakyee sibue baakaasa nwɔ diɛ ləkantosi baakpana lessaa le oso baalo nwɔ nii ale, “Nnwɔ ninle Yuda Batii ɔka ne.”

27 Baape bayu banyɔ kafɔɔ sibue baakaasa di awoso suoto diɛ Yesu ɔlɔɔkɔ. Onwii lakaa diɛ ole-taneekye noɔ, onwii kafɔɔ lakaa diɛ ɔmentukye.

28 Diawa ninkpo fele mmle baakpana ni diɛ Kokpana Klekle Kukū kame ale, “Baalo nwɔ manko bakpileblate.”

29 Batii ba niatoofe ni ninfa bamuu latūkunsa asi, baatufa Yesu baabue ale, “Eheε! Afɔ niabue fale fababie Yaa Olekatako ka mmle, fanse ni letofo di ayi atie kame ne! **30** Soo koowoso nwu fawa, faafū suoto lefɔ nkpa buonyu!”

31 **41** Nkpo okle kafɔɔ di olebatate banɔɔfo ku kufiofa batuote nwu nkpo lama nwɔ baatoobue kaame lema ale, “Aafū batii bamba nkpa kafɔɔ oloofuo suoto noɔ odiki! **32** Se nwɔ bɔɔlɛɛ ni Yuda Batii ɔka, dile ni Kristo wɔ di Yaa lepe ni ɔfɔ ale nwaako, aasoo di kowoso suoto awa buofū nwu bunu!” Batii ba banyɔ baakaasa ni di awoso suoto ku nnwɔɔ kafɔɔ latufa nwɔ.

Yesu Lakpi.

33 Kakū lefosi elomu enyɔ lebe, kayi kamuu lawɔɔfɔ. Dialaase di kɔtɔɔfɔ elomu etie kame.

34 Di kɔtɔɔfɔ elomu etie kame okle, Yesu lafaa osie kanya aabue ale, “Eli, Eli, lama sabaktani?” Lessɔdiki ninle ale, “Yaa nii, Yaa nii, be oso feedie mi nnɛɛ nkpo?”

35 Batii ba bawo niayila ni ninfa, baanu ni ɔlaa nwu nkpo labue ale, “Bikyɔɔ atoko! ɔlɔlɛɛ Elia.”

36 Nfanwu onwii kaame lema latoso aalaayo oleteku aanyo di nta nyankale kame, aayoo aatoo di owoso suoto, aamie ale ekye ankye nwaa annyi. Kafco batii bule labue ale, "Bita buyila buonyu, nse Elia kamawa amadiki nwaa di kowoso suoto!"

37 Yesu lakple aafaa osie kanya ninfe aakpi ne.

38 Nfanwu, dibula le ninsaka ni di Yaa Olekatako nwaa nkpo kame niabe di akyuu anyo diakye di osi dialaase kaaso.

39 Di bakpete oncofo wo niayila ni di kowoso nwaa katoo lanu mmle di Yesu lafaa fie aakpi nii, ni aabue ale, "Nwaako, Yaa Obi ninle otii wo mmle!"

40 Basanko bawo kafco layila kaakyonko baatoonyu asaa ya niatoowa nii. Bawo niale Maria Magdalene ku Salome ku Maria wo babi ninle ni Yakobo biso ku Yose. **41** Di obe wo di Yesu lawe ni di Galilea kasoo, mma niatootikanko nwaa baatocco kyakaako nwaa ne. Basanko kpinwu ba latikanko nwaa baakyee ni Yerusalem ke layila ninfa.

Baakookaa Yesu.

42 Asaa ya mmle amuu lawa fie diadu Yuda batii Lennyeteyi. Nfe diofe ni koetoofa, **43** Yuda batii oncofotii onwii bcolees ni Yosef eekye ni Arimatea, lakpee otu aakyee aalanya Roma batii oncofo Pilato. Yosef wo mmle ninle otii wo niatookpee ni osie die Yaa seka kaleko ɔwabee ne. Obe wo aadu ni Pilato nfuu, aatikiti nwaa lekoto ale atco osuku aalaayo Yesu kpi alaakookaa, fie di Lennyeteyi diwo. **44** Diabla Pilato ɔkpere obe wo aanu ale Yesu lawolaa ni okpi nkpo. Nioso aalees bakpete oncofo wo niayila ni kaanya ninfa aakaale nwaa aanu nkaakyonkose nwaa Yesu

ntookpi. ⁴⁵ Di ɔnoɔfo nwu latokɔ́ nwɔ́ ale kute ni nkpo, Pilato lata Yosef osuku ale alaayɔ́ kpi nwu akookaa.

⁴⁶ Ninfɛ di Yosef lasifi aalaayɔ́ Yesu kpi nwu nkpo, ni aayɔ́ dibula fôle le aaya ni aamiminisa nwu di suoto ne. Ni aayɔ́ aalaakookaa di ofuɔ̄ntuu kamɛ beekutu ni di kabokotee ɔloɔkɔ́. Ninfɛ aamunusa difuɔ́ aatii ofuɔ̄ntuu nwu kanya ne. ⁴⁷ Obe nwu kamɛ, Maria Magdalene ku Maria dile ni Yosef ɔya layila baatonyu leba le baakookaa ni Yesu.

16

Yesu Lataka Aakyə Baakpi Kame.

¹ Kaleesɛ dile ni Lenyeεeteyi kɔtɔɔfɔ́, Maria Magdalene ku Maria dile ni Yakobo ɔya ku Salome lakyɛ baalaaya kɔfa kɔnɔkɔnɔ ale babal-aafifia di Yesu kpi suoto. ² Nioso kaasɛ ni Kɔsida kolesetū, baataka baakyɛ di ɔkyɑ katū.

³⁻⁴ Baatoofe nii baatoɔkaale bawo ale, “Owe bubawɛ abamunusa difuɔ́ le kplɛ di akya kanya anta wo?” Baakaale bawo ta difuɔ́ nwu lamuɔ nwaa. Kafɔɔ baadu ni nfa, baanya ale batoomunusa difuɔ́ nwu beekyisa. ⁵ Nioso baabuo ni di ɔkyɑ nwu kamɛ, baanya ale okosopo onwii nsi die oletanɛekyɛ. Aaklee abula fututu! ɔfɔɔ lasifi ma.

⁶ Ninfɛ di okosopo nwu latokɔ́ ma ale, “Bitanyɛke. N-ye nlɛ Yesu Nasaret Otii wo baakasa ni koowoso suoto biowolaa. Anaa ninfū! Atɔɔtaka, akpe nkpa! Binyu! Nnya nfū baate nwɔ ni. ⁷ Nioso bitɔɔkyɛ bielaa tɔkɔ basaateketete noɔ ku Petro bile, ‘Yesu ntoole ye

katū oofe Galilea kasō. Nfa bibanyōō nē, fē mmle
aatōkō ye aate nii.’ ”

8 Diabla basanko ba okpē, ni baakye di ɔkyā
nwu katū ku 1eyēke baatoso baasifi nē. Baakyē di
osuku baatoosifi nii, batatōkō otii ɔlaa kuonwii,
ta 1eyēke lamufū ma ni oso.

Yesu Ladiki Suoto Aatu Maria Magdalene.

9 Obe wō di Yesu lataka aakyē ni baakpi kamē
di Kōsida kolesetū, Maria Magdalene aaka suoto
odiki otuo, nwō kamē aatososa ni anwuna kpile
akuensī di obe onwii kamē. **10** Aakyē aalaatōkō
Yesu batikakotē nōō ale, Yesu ntōötaka di obe wō
basi boowi kaku ta kukpi nōō oso. **11** Obe wō di
Maria latōkō ma ale, Yesu ntōötaka akpe nkpa ni
εεnyōō nii, batafū nwō baanu.

*Yesu Ladiki Suoto Atuo Basaateketete Nōō
Banyōō.*

12 Nni sēmaa, Yesu ladiki suoto aatu
basaateketete nōō banyōō, obe wō baakye
Yerusalem boofe ni sekpoo nwu. Batatofo nwō
di kasō kakyekō. **13** Kafōō sēmaa baabatofo nii,
baakple baasifi baalaatōkō babule. Kafōō batafū
ma baanu.

*Yesu Ladiki Suoto Aatu Basaateketete Nōō
Lefosi Onwii.*

14 Leyēntele, Yesu ladiki suoto aatu
basaateketete nōō lefosi onwii di obe wō basi
boole ni alesaa. Aananfiko ma ɔlaa ta banaa ni
ofū onu oso, bakpe kafōō otokopī kpā ta batafū
batii ba niányōō nii baanu di obe wō atōötaka,
akpe ni nkpa.

15 Ni aatoko ma ale, "Bitɔɔkye kayi kamuu biɛlaayie Yaa ɔlaa biene nwu lɛkya die batii bamuu kamɛ. **16** Otii wɔ nimafū ɔlaa biene nwu annu nii, eefū ni Yaa ntu okpeesa, Yaa madiki nwɔ di sikpile letokonanfi kamɛ. Otii wɔ kafɔɔ ninaanfū anu nii, Yaa malo nwɔ lɛrɔɔ. **17** Yaa mata bafūbanute osie mambla ablaska ya niɛbla ni ɔkpɛ kpinwu. Babatososa anwuna kpile di leyooto nɔɔ kanya. Bababue sele ate ate. **18** Se beemufū asaanwu ee beenyi kɔfa kpile, dilababla ma lɛsalesaa. Se beetika nnɛɛ lema di bafiɛtɛ suoto, babawɛ osie."

Yaa Lakpaa Yesu Aasifiko Yaa Kafa.

19 Di Saate Yesu lakakate aata basaateketete nɔɔ aaloo ni sɛmaa, Yaa lakpaa nwɔ aasifiko osi, ni aasie di oletanɛɛkye nɔɔ ne. **20** Batikankotɛ nɔɔ kafɔɔ lakyi kakɔ biala baabue ɔlaa biene nwu. Saate lema lasie ma kaamɛ aadiki atuo ale ɔlaa nɔɔ nwu ɔlaa biene kule di ablaska ate ate ya baatɔɔbla ni di otumi nɔɔ kanya.

Yaa Kanya Ninii Fole Selεε

Selεε: Yaa Kanya Ninii Fole Selεε New Testament

copyright © 2008 Wycliffe Bible Translators, Inc.

Language: (Selεε)

Contributor: Wycliffe Bible Translators, Inc.

All rights reserved.

2020-11-30

PDF generated using Haiola and XeLaTeX on 22 Feb 2024 from source files dated 29 Jan 2022

b86b27c9-33ee-5380-a452-244df2dc60c6